

丙子科雲南鄉試闈墨

卷二

子曰興於

一章

詩三房思南府教
授吳以仁閱薦

高攀雲

卷二十一

學有全蓋通詳其所得力焉夫學至於興立成學之益全矣而必於詩禮樂得之學者其審所致此哉今夫古人之遺稱極博矣後人之心皆古人所取而預謀之者也乃今之人徒取古人之近似以飾其無能則古人之真不出而吾之學亦無益惟循循焉以求其全則古人之心得而吾之學乃為有益其稽古乃有獲矣嘗考幼儀之初先之學樂誦詩繼以習禮此小學授受之序而語於大成之學則不然古之善學者其取材也博其服古也深其取材博故隨其耳目所及以盡其聰明淺之得其迹深之會其神油油然

而漸臻乎他則義類任其取摶矣其服古深故盡其心思而後得其義蘊研究於詩書致精於名象油油然而幾於全則精神悉以相深矣以觀厥志言有興也知其必於詩人固有冥心靜觀時形感憤之思而善善惡惡之念油然而興也雖不平之山川無情之草木皆寓有諷咏之意則詩之為功於學也大矣學者當即其詩以求之則以為興於詩云以貞厥守言有立也知其必於禮人固有矯情鎮物不踰規矩之外天秩天序之儀確然立也雖隕越之浮情難知之排擠咸深為矩矱之化則禮之為功於學也深矣學者當即其禮以求之則以為立於禮云以定厥功言有成也知其必

於樂人固有師心自用獨好專家之學則油然秩然之化莫能成也雖不平之志氣難釋之躁心悉深為優游之化則樂之為功於學也大矣學者當即其樂以求之則以為成於樂云學者恃臆得之見徃徃遺其耳目而窳蔽其聰明古之君子合致之樂治其功分驗之樂收其效而觀其功於興立成之後者初不俟乎推測之勞學者拘其成見徃徃循其偏端而遺其全體古之君子心思治之不淪於虛耳目治之不流於無而徵其效於詩禮樂之際者自獨著其如神之用學有全益如此學者當知所求哉

子曰興於

高攀雲

天溥博如矣不說月之始計豈見之奇也高攀雲 第二十一名

即聖德之形於外者而擬之觀之民而可見矣蓋至聖之德既擬之天淵愈見其盛矣觀於敬信說非至聖之德烏能臻此今夫至聖之德不易量所可量者徵諸人民感應之間而可見矣蓋既以崇深之極隆者喻之斯世咸仰德澤之聲靈而復以民心之感應者徵之夫下群瞻恩惠之弘敷合內外而交餘焉則知其量之不易窺耳如至聖之德既有以充積於中矣夫既有以積於中者為內藏之有本使不能發於外者為崇深之可量則人猶有可從不可從之機抑既以存於內者為涵蓄之優深使不能著於外者為

崇隆之群仰則人猶有可應不可應之念溥博如天淵泉如淵至
聖之德吾又将何以擬之哉凡有可紀之善大率盡力於一時而
其餘無以相繼若夫德積而化無得而指之斯無得而稱之美蓋
理以近而愈遠也吾欲擬至聖之德即欲不擬之以如天而不得
也然非擬之一如天而遂已也凡有可紀之德大約致飾於一時
而其後遂不能相掩若夫德積而成非天下之所喜斯非天下之
所驚也蓋迹以平而愈神也吾欲擬至聖之德即欲不擬之以如
淵而不能然非擬之一如淵而遂竟也雖然至聖之德既擬之以
如天如淵已於何見之於民之敬信說見之吾身之喜怒哀萬物所

為慘舒也吾身之寬猛萬物所為張弛也吾敬以見之宮廟之內
肅肅雍雍以慎其志氣原非有期於民之敬而民自莫不敬者特
相與龜遑弟怠共窺天則之大原吾身之日用飲食群黎所以徧
德也吾身之紀綱法度萬邦所以作則也吾信以言之政令之間
無貳無作以履其誠愨原非有莫於民之信而民自莫不信者特
其與實心無偽以見允恭之盛德而未已也苟務為艱難之事則
勞苦而思去也務為煩重之文則厭敷而思背也吾愛以行之廟
堂之上無怠無荒以行政令原非有望乎民之說而民自莫不說
者群相與惟欣不已以歌孔邇之父母非至聖之溥博如天淵泉

如淵安能得此愈令吾深思之不置耳

博博如天

高攀雲

[Faint vertical text, likely bleed-through from the reverse side of the page]

今夫麴麥

高攀雲

第二名

即物之同以明降才之同知天之非有異也夫麴麥微物耳觀於
日至之熟凡天下之同者可不即物之同以推之乎且天之生人
與天之生物原無二道也蓋降衷之初原有一無私之理以具於
吾心特人昧焉弗察而不克審其由來曷不即天下之物以觀之
曷不即物之至微者以觀之則物之同可知而吾心之同無不可
知也夫天之非降才爾殊吾將何以徵之想天之生人實有不齊
而人之成材何有一定或具樸茂之姿或具魯鈍之質或真性未
失知天命之同出一原或功力未深疑天心之有貳致或良莠異

質則滋培灌溉之必勤或高下異品則裁成啓迪之必牖而茲姑
無論今即麩麥觀之天下之物自足生天下之人乘之或違其運
則造物不能全之為繼也故麩麥未播之先其地猶有殊而麩麥
既播之後其地無不同其麩麥既同如此而天下之似乎麩麥者
無不可知宇宙之利自足生宇宙之人用之或違其時則造物不
能自全也故麩麥未播之日其樹殊麩麥既播之時其樹無不同
麩麥既同如此而似乎麩麥者無不如此也淳然而生則麩麥之
同亦可見矣雖然麩麥既同矣苟日至之時不熟則麩麥之同可
恃而未可恃也今觀在原者一如其在隄在隄者亦如其在原庶

幾同可知已然必彼曰熟而此曰熟而後可謂之熟矣問有一方
之未熟者無有也故天地無窮之美利必至於熟而靡不見其原
隄之一轍今觀在東者一如其在南在南者亦如其在東庶幾同
可知也然必彼曰熟而此曰熟而後方謂之熟也問有一處之不
熟者無是也故國家有不盡之豐亨必至於熟而咸仰東南之一
致麩麥且如此况重於麩麥者乎

今夫麩麥

高攀雲

今夫讀書 高樓

人徒求其味也必重於其味而輕於其理
其味與其理也必因味而後入理而後入
其味也必因味而後入理而後入
其味也必因味而後入理而後入
其味也必因味而後入理而後入
其味也必因味而後入理而後入
其味也必因味而後入理而後入
其味也必因味而後入理而後入
其味也必因味而後入理而後入
其味也必因味而後入理而後入

子白與於山由一章
書二房鎮遠府教
授王嗣衍閱薦
陳士修 第二十二名

學至得心之候其序可歷指也夫學不得於心雖日事詩禮樂奚裨乎必能與能立能成乃可謂善得其助者且為學而欲底於成即非無所因而可底於成也亦非但淺嘗之而遂可底於成也蓋人心原有不容誣之理昔聖昔賢原有不可窮之學術惟實致其力而循序以進則此中之得力有不覺深嘗焉而自得者是在善學者自知之耳世之人何不易有此與立成之一日哉大抵入之用心不務於速則務於博務速者常緩務博者遠形其泛也此涉獵之見不可以中存人之好異不索於高遠則索於幽隱索高遠

丙子科

者失其近索幽隱者遠昧其顯也此冥悟之說不可以立教吾嘗
身試焉而因憶夫學者之初矣當外感未乘寂然而已及一歷乎
欲惡之介而聞善知感見惡知懲自有勃焉而莫禦者此何境乎
則興乎興矣孰得而禁之乎繼此則進於立矣彼艱鉅未投淡然而
而已及一入乎攻取之途而健以植其防勇以致其決自有確乎
其不拔者斯何境乎則立乎立矣孰得而撼之乎進此則幾於成
矣彼寧靜居心泰然而已及一置乎身世之間而純而不雜和而
不戾自有泮渙而順適者斯何境乎則成乎成矣孰得而擾之乎
是興也立也成也由淺入深以漸積而有獲自勉幾安以實履而

乃效斯時學者亦自知之而不能自言之吾得為學者直指之天
下之善感發者莫如詩未嘗學之即日覽乎正變貞淫於我初無
與既嘗學之而有與為合矣吾不謂興之專在於詩而其始之得
力端在於此天下之足強固人者莫如禮未嘗學之即日見乎三
千三百於我不相益既嘗學之而永守其貞矣吾不謂學之專在
於禮而其中之端力端在於此天下之能和平人者莫如樂未嘗
學之即日事乎聲容舞蹈於我初無涉既嘗學之而神與之化矣
吾不謂成之專在於樂而其終之得力端在於此是故興立成雖
學中必至之域而不可以一蹴而即至詩禮樂為日用躬行之事

尤不能以徒誦而有功善學者知之否

子曰興於詩陳士修

子曰興於詩陳士修

子曰興於詩陳士修

子曰興於詩陳士修

子曰興於詩陳士修

子曰興於詩陳士修

子曰興於詩陳士修

夫溥博如天與自不說言自為

陳士修 第二十三名

聖德極其盛故其出之而皆當也蓋溥博者惟天而淵泉者惟淵也至聖之德如是不可即敬信說以驗時出之各當乎子思蓋以

明小德之川流也曰吾觀至聖之臨天下惟是與民相養於廣大之中靜深之內而已蓋心之所存者既積於至盛則發皇之際自

相喻以其微而不能以自禁吾得進溥博淵泉以觀時出焉彼夫希心浩大而終無當於溥博之稱者謂其積之未厚而其中已無

餘也若至聖之溥博碩如是乎抑其寄意幽深而終無與於淵泉之實者亦其蓄之未深而其內亦易盡也若至聖之淵泉又如

乎間嘗仰觀大造俯察流泉而見夫溥博者之無遠而弗屆也淵
泉者之無往而或息也遂不禁穆然於天淵之內而恍有得也余
而後可取以擬至聖矣蓋天積於無間而大而無不偏者亦微而
無不周則言天者至溥博焉極矣即時而為生為成要莫有或遺
於天者也淵流於不息而靜而無可窺者亦深而莫可窮則言淵
者至淵泉焉止矣即時而從委溯源要莫有或匱於淵者也而至
聖之溥博淵泉何以異此此即高拱深宮恭默而理無為而治亦
自有與民相洽於聲色之外者而况乎其出而為見也言也行也
哉夫至聖亦不過自為見自為言自為行而已而民也相遊於天

淵之內望其範佩其訓服其政事殆不啻神明畏之出獨感之而
性情已通之者自非積於未見未言未行之先而何以敬信說之
莫不然也有如是哉蓋有天德者可語王道而至聖之時出如此
不既以天德而兼王道之全乎而聲名從茲起矣

溥博如天

陳士修

[Faint bleed-through text from the reverse side of the page]

今夫麩麥熟矣

陳士修 第二十一

即物以驗性其皆同者可思也夫使天之降才有殊則物必先處於殊矣乃自播種以至皆熟何麩麥之皆同乎是可取而思也嘗仰體篤生之意而知天之生人與其生物無以異也人有性而物有種因勢順時踵而成功焉而或者疑其降才有殊則盍觀麩麥今夫麩麥生於天資於地而成於人者也原無富歲凶歲之別此而諉之曰天之於麩麥不盡然也天不任受也何也天固欲其熟者也且不止於欲其熟而欲其皆熟者也又况乎士女之盥耕婦子之胼胝其為此麩麥計者至深遠也哉則見夫負耒而往播種

矣藝欲其深則播種而耰之矣是人亦顯出其經營以與此日之
天爭栽培之力也莠麥其何不熟之有雖然熟亦難言矣熟有自
至之候而未至其日則未言熟而先言地熟又有漸至之境而未
至其時則未言熟而先言樹而今則赤墳黃壤同效蕃昌其地同
矣既種既戒不後不先樹之時又同矣既無此疆彼界之殊復無
早暮相睽之異回憶播種之初曾幾何時而將為日至之時矣吾
見油油者其色也蓋云生也鬱鬱者其機也蓋淳然生也久之而
纍纍者其實也蓋云熟也與與者其象也蓋皆熟也至於日至之
時而物應其候始知前此之所播者今此益足信也不誠見其大

同哉而又何疑於天之降才爾殊哉然吾恐難以語夫世之陷溺
夫莠麥者

今夫莠麥

陳士修

同治丁丑歲次...

子曰興於詩...

春秋房定遠縣知縣袁乃湔閱薦丁佩玉

學有得力之由歷其境者自悟之也蓋學之興與立成固皆有其境焉而於詩於禮於樂其所以得力者不可自悟之乎今夫人終其身於學中豈其目不覩古人之書而漫焉從事哉然古人之書古人心得之所存也我終身為學於生平得力之數茫無以喻則將謂古人之書若是其無裨乎而不然也遁而進之各有其候也漸而獲之亦各有其效也則夫心學之全固何如乎吾人之心力當思有以自用而要不能無所憑以為用故雖著作未開而神聖不無學術方名既起而庸愚終守迂疎此中疑為不相關之事而

不知善學者之閱歷則固有其不爽者矣吾儒之性情未嘗不期其功而特不能無所藉以為功故雖終日博一物而效可相求窮年守一經而理有未悉此中疑為徒苦人之具而不知善學者之積累則又有其難誣者矣蓋學之初有興之一境焉無端而好善之意生無端而惡惡之心出其興之謂歟然何以勃然之難遏也蓋吾心本有是情之難遏者而及遇於詩遂不覺舉今日之是非愛憎與昔人之美刺貞淫倍相感也則興於詩學之中有立之一境焉久之而欲不能奪久之而物不能遷其立之謂歟然何以肫然之能固也蓋吾心本有是守之能固者而及遇於禮遂不覺舉

今日之有嚴有翼與昔人之為節為文彌相持也則立於禮學之終有成之一境焉精之而物累自清精之而偏私悉化其成之謂歟然何以油然之至純也蓋吾心本有是功之至純者而及遇於樂遂不覺舉今日之順情適性與昔人之依永和聲適相洽也則成於樂自成童服習以及離經辨志六經皆講習之書安在讀詩而後及於禮讀禮而後及於樂也而特以詩之教婉而善入禮之教嚴而不苟樂之教和而益精各有其功之必然而一一始能驗其報我之故則知稽古之益為不可驟耳自先王垂訓以至日用飲食六經有兼通之義安在執一詩以為興執一禮樂以為立為

成也而特以興之時溫厚而和平立之時大中而至正成之時義
精而仁熟各俟其效之自然而一一有以徵其相得之致則知窮
經之業為不可廢耳苟為學而不知其所得之者何在雖有詩禮
樂也奚庸乎

子曰興於詩禮成於易春秋

子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋
子曰興於詩禮成於易春秋

溥博如天

不說

丁佩玉

第二十三名

擬聖德充積之盛而發見者足以感民矣夫如天如淵積之何盛
也觀於民之敬信說非其發見者之足以感之也哉且夫聖德之
所積殆未可以易窺也而亦未嘗不可共見也其未易窺者舉宇
宙極至之物而不足以形其蘊即形之而亦有所難盡而要其本
諸內而見諸外者又無不與天下有感通之意然後知聖人非有
所歉於德之量而天下亦遂無求多於聖德之外也已矣溥博淵
泉而時出之非至聖之德烏能及此然吾試就其溥博者思之凡
物之量焉而易盡者必其具狹隘之體者也此即過以擬之而已

有所難受若聖德之溥博而將何以擬之哉今夫溥博者莫如天耳覆幬於無外而不知其何所極也統被於無方而不知其何所盡也天下不能量天之所至又烏能量聖德乎天下不能量聖德而獨不可以觀天而起悟乎吾試就其淵泉者思之凡物之測焉而易窮者必其具淺近之致者也此即妄為類之而亦有所難符若聖德之淵泉而將何以類之哉今夫淵泉者莫如淵耳藏深於至厚而不知其何所終也源積於至遠而不知其何所底也天下不能測淵之所涵又安能測聖德乎天下不能測聖德而獨不可以觀淵而自喻乎盛哉聖德之積也而於是以時出之豈猶有不

足於天下而宜於此不宜於彼者哉豈猶有不足於天下之民而一人從之一人違之者哉其於見也何非德之所以為見也威儀容止之際豈其別有所飾以動天下之耳目而民莫不敬矣敬其見即敬其德也無心之感應一若有不戒而作之肅者矣其於言也何非德之所以為言也施令布誥之間豈其別有所私以一天下之心志而民莫不信矣信其言即信其德也上下之交孚一若有不言而使之喻者矣其於行也何非德之所以為行也紀綱法度之施豈其他有所求以聯天下之性情而民莫不說矣說其行即說其德也忱悃之相輸一若有不令而生其慕者矣然苟非溥

博淵泉之德則敬矣而未必信信矣而未必說如此民何也乃積
厚者施自宜而觀輿情之應益可識聖德之崇深苟非如天如淵
之德則敬矣而莫不敬則難信與說矣而莫不信莫不說則難亦
如此民何也乃藏深者顯自裕而由聖德之隆益可推海隅之說
服聲名之洋溢為何如哉

溥博如天

丁佩玉

合夫麩麥

熟矣

第二十一
三石

論物之同生者可以知才之無殊矣夫麩麥之皆熟以其地與時
無不同也而天之降才亦豈有異於麩麥乎今以天之所共賦而
竟至於殊焉而莫知悟也而吾告之曰是同也非殊也人不必信
何也天下類皆殊之之才則何為而同天下不盡同之之才則何
為而不殊而吾必謂其有同而無殊者人固有之物亦宜然而或
者猶有疑也物亦生於天者也有人不同而物獨為同乎天亦降乎
物者也物不同而寧有一物之或同乎而不然也今夫麩麥生焉
長焉以蕃植於天地之間亦具有性榮焉槁焉以變化於宇宙之

亦具有情而且嘉禾不登黍稷莫繼濟斯民於飲食絕續之際亦具有才其播種而耰之也固宜而要不能無所待也何待乎爾待乎其地抑待乎其時物固不擇地而生而燥濕剛柔之性則必各有所宜物固不後時而出而寒暑陰陽之節則必各有所因今使地同而時未必同時同而地未必同麩麥雖易生之物也其如地與時何哉今則其地同樹之時又同時也地也麩麥之所以生也淳然而生固發於機之不容已時也地也即麩麥之所由熟也至於日至之時皆熟矣又成於勢之所自然而吾乃知麩麥之性非有異於夫人之性也人之性皆其善者物之性不皆其生乎使

人之性不皆善也而物亦將有不能生者矣何以解於麩麥矣吾乃知麩麥之情非有異於夫人之情也人之性皆其善者物之情不皆其生乎使人之情不皆善也而物亦將有不得生者矣且何以解於麩麥之淳然矣吾乃知麩麥之才非有異於夫人之才也人之才皆其善者物之才不皆其生乎使人之才而不皆善也而物亦將有不樂生者矣更何以解於麩麥之皆熟矣而麩麥顧且生也淳然而生也抑熟也且皆熟也則惟地同時同之故也麩麥亦同而何疑於才之殊也

今夫楚麥 丁佩玉

有門不...

...

...

...

...

...

...

...

...

子曰興於 一章

禮記房南寧縣知
縣錢同鏞閱薦 王 璣 第二十
四名

通著為學之效皆有得於古者也夫興立成學之效也而非詩禮
樂不為功人可不知哉且學當成童之年亦似乎博而鮮當乃為
之觀其成效之候考其得力之由而後嘆古學之報我者其次第
良不誣已立之閱歷於學者久今而知其得力之所在也彼夫見
美而勃勃欲動聞戒而戚戚不寧者豈非興哉而興不自興有興
之者真淫正變所以理性情也而涵泳既久自不覺志氣之感發
一一皆風人之高致吾故為學者指之曰興於詩迨夫慕善深而
內力益堅懲惡嚴而外物不搖者豈非立哉而立不自立有立之

者恭儉莊敬所以貞毅力也而嫻習既久自不覺措履之端凝在
在悉先王之遺教吾故為學者指之曰立於禮至於義精而不徒
激勸之迹仁熟而無俟固執之勞者豈非成哉而成不自成有成
之者聲音舞蹈所以養和平也而絃誦既久自不覺道詣之純全
往往為太和之洋溢吾故為學者指之曰成於樂然則詩禮樂之
當學不信然哉不信然哉

溥博如天 不說

王 璲 第二十四名

德盛者化神其存發為難量矣蓋不可量者天淵也而至聖之溥
博淵泉如之宜其發見之當可也嘗謂聖人之德與民相流通者
也而德至莫可擬者則其中之所發必不予人以訾議之端可知
也吾是以思至聖之溥博淵泉而為時出者矣其溥博也民亦不
得而窺其際矣而要其恢恢乎統仁義禮智而靡遺者固無殊於
維皇之怙冒蓋天以覆萬物而聖心以周萬理也則其溥博有如
此者其淵泉也民亦不得而名其故矣而要其穆穆乎合仁義禮
智而中涵者固無岐於臨流之靜深蓋淵泯乎指顧之迹而聖心

亦不涉聞見之淺也則其淵泉有如此者由是時出而為見臨朝
聽政已有儼若神明之度故聖作物觀易慢之所以咸消也而民
孰有不敬者歟時出而為言發號出令無非忠厚憐惻之辭故至
誠服物疑畔之所以不作也而民孰有不信者歟又時出而為行
立綱陳紀事事體乎兆人之情故動不過則輿志之所以交乎也
而民孰有不說者歟積中之盛統之為敦化之原宜民之德分之
有川流之象至聖洵難量矣

今夫麩麥

熟矣

王

璣 第二十
四名

即物以明同之說一物亦有然者矣夫猶是麩麥耳自樹而生而
熟矣有殊乎哉孟子欲明降才之無殊也先為之曠觀於物曰凡
為天之所生者其受理均則其受氣亦均受氣均則其受形亦均
此即一物之微當亦無不然者矣乃或者因人之陷溺而致疑於
天曰等才耳天何殊其降若是夫使天之降才爾殊也豈獨才之
有殊乎哉苟使天之降才無殊也豈獨才之無殊乎哉我嘗觀諸
麩麥矣今夫麩麥殊乎不殊乎其必不殊者矣其不殊者皆熟也
而其所以皆熟者何也一則以播種之設於地利疇是為麩麥之

地而播植之事以起一則以播種之因乎天時疇是為播耰之期而按候之功以興無往非莠麥即無往非播耰之地無往非播耰之地即無往不有其播耰之時其地同其時同則無乎不樹者自無乎不生無乎不生者自無乎不熟何則至於日至之時皆熟矣而猶謂莠麥有殊乎哉而豈獨莠麥無殊乎哉

子曰興於詩一章

詩二房平遠州學
正章 顧閔薦 楊

詰 第二十五名

聖人以全學示人為歷指其得力之有由焉蓋學有興立成而教有詩禮樂功效之相因實有可自信者故夫子為歷指之若曰學問不容以自誣也自夫人偶有一得輒謂可以遠駕古人而無難不知古人卒不可勝凡其所以成始而成終者古之人固已予我以無窮之益也是安得天下好學深思之士而究其得力之所指歸也乎吾思之學至渾全之候心則貴其能化使尚有形迹之可擬未免失之於滯然學當致力之初功又視乎其序使涉於凌躐之是求未免流之於愚如興也立也成也非已至者之所閱歷而

未至者之所未入者哉奮興之念以為與生而俱來何以天下不盡能興之人以為吾性所本無又何以天下有能興之人一以感而一以無所感耳若詩也者本乎人情出之諷咏每見咏歌之下不自知其奮興之念何以油然而莫遏也則知天下固有學詩而不克興者斷未有克興而不於詩者確立之搯以為吾身之能事何以天下不盡能立之人以為吾性所難強又何以天下有能立之人一以守而一以無所守耳若禮也者威儀有序度數有章每見周旋之際不自知其確立之搯何以毅然而不拔也則知天下固有學禮而不能立者斷未有能立而不於禮者神化之機以為

情可作而致何以天下不盡能成之人以為詩在所難幾又何以天下有能成之人一以和而一以無所和耳若樂也者優游以適涵泳以將每見聲容之感不自知其神化之機何以渾然而相忘也則知天下固有學樂而不克成者斷無有克成而不於樂者使未知詩禮樂之學而漫謂興立成之無難也則未也

子曰興於

楊 結

淵以淵泉之質附乎地而倫類之衆習見之而莫之察也至聖之仁義禮智早已靜一世於咸安之內有不與之符其德乎而尚可深言淵而淺視聖乎溥博如天淵泉如淵蓋如此此固不必驗之民而始見也然何不可驗之民而益見也吾思顛愚之百姓何知非有見微知著之識祇相忘於不識不知之天聖人之德業雖隆非有艱深莫喻之藏誰斲其厚地高天之戴吾一微之於見時而見焉亦德容之表著也非以是邀民之敬而民何以莫不敬也有然一微之於言時而言焉亦德音之孔昭也非以是迫民之信而民何以莫不信也有然一微之於行時而行焉亦德行之敷施也

非以是強民之說而民何以莫不說也有然噫非甚盛德孰能當此而無愧乎大觀在上萬民有不介之孚作所惟王一世仰化成之盛吾得就敬信說而進微之

溥博如天

楊 喆

育且將諉其權而觀其繼起抑蕤麥之熟也因乎時故雖其畝東
南亦惟偕其候而施其耘耔今試問其地而其地同也有然考其
時而樹之時又同也亦無不然自今以往有事西疇見夫實函斯
活有厭其傑滄然而生蕤麥亦大改觀矣然孰非前此之地同時
同所播種而耰之者耶無何而苗者秀矣秀者實矣盍彼南畝我
稼既同則日至之時至矣至于日至之時則皆熟矣于斯時也既
方既阜農夫其有慶乎實穎實粟婦子其有蓄乎然又何莫非前
此之地同時同所播種而耰之者耶夫一蕤麥也其由種而生由
生而熟而無不同也如此此猶得曰可信之于天者獨不可信之

于人不可信于人者且不可信之于物耶

今夫蕤麥

楊

詰

子入不可言于入者且不可言于出也

一 夫子曰興於其節全章

詩一房湘潭縣教諭張世勳間薦 楊 滙 第二十六名

學以資乎古而深聖人備舉其得力之由焉夫由興而立而成學斯全矣而皆於詩禮樂得之學之功其可緩哉且夫人終身肆力於學而漸底於純備之一日其功候固甚深矣然究其所由来惟是取古人之遺制而從事乎其中習而安焉遂不禁相因而各得焉蓋惟平日之致力者深是以其得力者至也夫學也者將以圖其有成也然非有所感發於其初強固於其中而欲優焉游焉以克臻於和順也庸可得哉是故學莫先於有所興興非徒偶然之激發也舉我心之所觸理則赴之欲則竭之必不以他端而偶聞

如是者則為興總莫要於有所立立又非徒偶然之矯制也舉哉躬之所存內而德性外而威儀皆有生平之誥力以持之如是者則為立及其終也尤貴極於有成成非徒片長之可矜也舉吾學之所積仁無不至義無不盡卒無一端之偶雜者以間之如是者則為成興也立也成也果何由而致此哉謂是得之性者有甚隆歟秉姿粹美雖知矢志於懿修然奮於始者未必不移於終安必臧嘉之懋迪也而何云性成也抑謂是發之情者有獨深欽懿德中涵非不殷懷於中正然圖之於暫者未必貞之於久安必偏端之悉化也孰謂其情深也吾於既興之後而推夫興之之始則惟

於詩得之而已篇什之為美為刺最足感人之寤寐而發其天良吾也咏歌有素自不禁天良之何以勃發也匪是曷易言興也由既立之後而推夫立之之由則惟於禮得之而已經曲之三百三千最足攝人之志行而固其操持吾也率由之久自不覺操持之何以日固也匪是曷易言立也就夫成之後而溯夫成之之原則惟於樂得之而已鼓容之高下疾徐最足養人之情性而消其亢厲吾也游息之深自不知亢厲之何以日遠也匪是曷易言成也是則詩也禮也樂也當夫學之之日寧分各圖其效之心而興也立也成也迨夫得之之時自有相因而獲之致詩禮樂之學顧可

其內千古而下誰克似之也乃至聖亦如是其含弘焉是天不居
其優而至聖亦不形其絀矣至聖其如天矣又就至聖之淵泉而
進思之萬幾之待理亦甚紛矣而至聖以一心含之初無幾微之
偶間湛湛乎何靜深靡竟也吾欲擬其所為靡竟者究何以擬之
乎惟為之俯視夫淵而知萬派之流通莫不蘊於其中生民之衆
誰克符之也乃至聖亦如是其淵涵焉是淵不形其深而至聖亦
不形其淺矣至聖其如淵矣由是而隨時出之也為見為言為行
原有不一之致而其本之心而達之外者何莫非至德之所著乎
隨出而各當民之沐浴其下者戴至聖不啻其戴天焉不啻其望

淵焉有何携貳之不潛消歟由是而時時出之也為見為言為行
不無難齊之數而其即所存以為發者何莫非至德之所昭乎無
出而不當民之景仰其休者慕至聖一如其慕天焉一如其慕淵
焉有何疑畏之不悉化歟夫莫大於天莫深於淵而至聖悉同其
量於以知川流之有本莫衆於民莫紛於民而至聖悉洽其情更
以見川流之不窮試再觀夫聲名不愈知民之敬信說者固無遠
而弗屆乎

溥博如天 揚 漚

世或不悟何若即物而曠觀之也抑統物而概論之而世或未解
又何若即一物而類觀之也曷不觀今之麩麥乎麩麥之種命於
帝種之美焉者也然必至於熟而後可並美於黍稷麩麥之成育
乎民物之美焉者也使為為不熟則亦祇等之莠稗是麩麥之貴
於熟不惟凶歲也而富歲亦然世之望熟於麩麥不惟凶歲之子
弟也而富歲之子弟亦然然得無謂麩麥之播同其地樹同其時
而或生或不生乎否則生矣而或熟或不熟乎間嘗履畝而稽見
夫荷鋤而往者問果何為曰吾於此種麩麥也是其為地同也又
嘗歷覽荒郊見夫力而致於原者問果何事曰吾以樹麩麥也是

其為時同也嗣是而驛驛其達厭厭其苗矣隴畔之間奄觀芄芄
之盛且由是而實發實秀實穎實粟矣阡陌之上快觀離離之休
行見淳然而生焉乃未幾而日至之時至矣而麩麥其皆熟矣為
問此時之麩麥將地同時同而或不生乎抑地同時同而生亦同
而或不熟乎吾知其有大不然者何也天之降麩麥無殊也而或
有不同焉則非麩麥之為矣

今夫麩麥

楊 滙

今夫...

不同焉...

...

...

...

...

...

子曰興於詩...

禮記房南寧縣知縣錢周鏞閱薦黃濬源 第二十七名

備舉興立成之由學於古而有獲焉甚矣由興而立而成皆學中

之必致者也而必由於詩禮樂非學古而安能有獲也乎嘗謂吾

人從事於學問之中而不深原其所以得力之處幾不知古人之

益我者甚多也試思其始也何以志意得廣焉其終也何以強力

不反焉其終也何以知類通達焉而皆不外於學古而得之且有

各得之益者亦有遞進之效然後知致此之有其要焉耳今之為

學者孰不欲至於成哉然成非可驟至者也凡人始勤就將大抵

委靡之意多而奮發之氣少乃忽焉而動其翻然勃然之念則所

謂興也抑知其所以翻然勃然者豈無所感而能然乎試流連於
四始六義之文徃徃褒譏美刺悉寓貞淫正變於其間於是讀忠
臣孝子之言莫不感泣於君父或偶誦明良喜起之什莫不奮志
於功名且見善而為之慕也見惡而為之劓也其興也盖有不知
其然而然者也若是者必得之於詩夫既興則不止於興也凡人
鼓奮既至每慮銳進之念勝而特立之操衰乃久之而得其確然
不拔之槩則所謂立也抑思其所以卓然不拔者豈無所藉而能
然乎自從事於經曲威儀之節而知三千三百皆聖王防淫節性
之資於是習溫清之儀而庭幃之聚順愈篤辨尊卑之分而堂簾

之分義不移且威儀自見其莊敬也酒醴自見其強力也其立也
盖有莫知為而為之者也若是者必得之於禮抑既立矣更有進
於立者凡人操持甚篤恒恐拘守之力有餘而渾忘之化不足乃
終焉而底於優游順適之竟則所謂成也抑知其所以優游順適
者豈無所據而能然乎自涵泳於駸容律呂之中而知羽籥笙鏞
皆聖王陶淑性情之具於是行其俯仰綴兆而履蹈得其和平親
其鍾鼓羽旄而陰陽消其亢戾且耳目歸於聰明也風俗歸於移
易也其成也盖有莫知致而致者也若是者必得之於樂此遞進
之效也即各得之益也今天下之學者不欲興立成則已如欲由

興而立以至於成也可不致力於詩禮樂乎哉

子曰興於詩黃濬源

[Faint bleed-through text from the reverse side of the page]

溥溥如天不說黃濬源第二十七名

極擬聖德之盛即時出者以徵其宜民焉夫如天如淵至聖之德極其盛矣乃見與言行而民之敬信說有然其時出之各當為何如哉中庸若謂吾言至聖之德其積中而發外者以至聖之足於德也然使積於中者其體不極其至盛而發諸外者其用不適於咸宜豈至聖之一足而無不足者猶有或歎者歎哉即至聖之溥溥思之其溥溥為何如乎聖德廣運已納天下於覆溥之中嘗仰而觀夫天焉則見其二德未形者已為衆德之畢備一物不見者已為萬物之不遺正肩無方溥溥之盛至於天而極矣而聖之

德如之則亦同極其盛也已再卽至聖之淵泉思其淵泉為何
如乎聖德汪涵已統天下於宥密之內嘗俯而察夫淵焉則見夫
衆德之渾全者已非一德之可名萬物之靜存者而非一物之可
測逢源不竭淵泉之盛至於淵而極矣而至聖之德如之則亦各
極其盛也已雖然如天如淵此極擬其克積之盛也使非有時出
者以彰於發見或發見而不能適當其可則於天淵之量猶未盡
也而欲民之敬信說也豈可得哉至聖之時出則不然其時出而
為見也端拱垂裳非欲民之敬也而民之觀瞻其際者欽聖德之
中和凜天威於咫尺卽一舉一動咸以為此中有聖天子之敬德

存焉其莫不敬也有然時出而為言也發號施令非欲民之信也
而民之聽從其下者感王言之如縛服聖德之無欺卽一語一令
咸以為此中有聖天子之至誠在焉其莫不信也有然抑時出而
為行也設施敷布非欲民之說也而民之服從其化者欣措施之
允當樂渙汗之攸宜卽一因一革咸以為此中有聖天子之至德
寓焉其莫不說也有然至聖之發見當可如此非克積之極其盛
而何以能然以是知聖德無疆積之厚者其流自遠至誠無息足
於已者自足於人其德如此其散名又當何如

子耜舉趾之時以至於築場納稼之日其間之自為滋培自為生長者固有一同而無不同者也此亦可以比擬而觀矣抑薶麥不過物中之一物耳使天之降才而殊則薶麥之才亦殊也乃何以自沾塗播種之初以迄於與翼京城之候其間之共為生息共為秀實者固有一同而罔弗同者也此亦可以推類而悟矣其為富歲之薶麥歟則斯倉斯箱歲時有豐亨之奏然豐則同豐亦惟聽其本然而非有所增也慶盈寧者曰此天之篤生此薶麥也而天亦不任功焉還以聽夫薶麥而已矣其為凶歲之薶麥歟則懸耜與嗟南畝多荒歎之嘆然歎則同歎亦惟任其自然而非有所損

也傷茂草者曰此天之傾覆此薶麥也而天亦不受過焉還以任其薶麥之自致而已矣知薶麥則知天矣凡受賦畀於天者皆可作薶麥觀也彼陷溺其心者其亦可以悟也夫

今夫薶麥

黃濬源

子曰興於詩一章
詩三房思南府教
授吳以仁閣薦
孫守之
第二十八名

子曰興於詩一章

詩三房思南府教授吳以仁閣薦

孫守之第二十八名

備言學之所得歎人知所自也夫興立成學之得於心也而必自乎詩禮樂人其知所學哉且夫人從事於學未嘗不期其有得也然學焉而有得者卒鮮豈古之無裨乎抑亦師心者之失也夫學中得力之故未學者不能喻善學者優游而自得之吾益身歷焉而知其有自矣夫學之所得維何始而興繼而立由是以幾於成則備矣雖然未有無所自者淺嘗之士一涉焉而即止初不知學之獲益安在也此其人固不可與入道聰明之儒自用焉而罔據又不知古之益我大備也此其人亦不可與窮神今夫先王之所

垂師儒之所傳群弟子之所習不有詩乎禮乎樂乎詩先博依禮
先雜服樂先操縵似甚庸近無奇而善學者勿之敢厭日異月新
吾第學詩焉學禮焉學樂焉以相循於勿輟已矣詩之失愚禮之
失繁樂之失奢似與空疎等誚而善學者不以自悔畫作宵養吾
第學詩而深焉學禮而深焉學樂而深焉以相引於無窮已矣未
幾而油然莫禦矣興矣好善惡惡發於中之不容已斯時幾相忘
性情之何以胥動也君子曰此詩教也勸戒之旨溫柔敦厚以出
之彼其涵詠於此者久而乃得油然之一日也興於詩也興豈無
自哉未幾而卓然不拔矣立矣閑和存誠出於力之莫能易斯時

幾相忘志氣之何以日堅也君子曰此禮教也節文之教齋莊中
正以將之彼其佩服於此者深而乃得卓然之一日也立於禮也
立豈無自哉未幾而粹然無疵矣成矣存理遏欲極於詣之莫能
加斯時幾相忘道德之何以純全也君子曰此樂教也聲容之盛
廣大精微並寓焉彼其涵濡於此者至而乃得粹然之一日也成
於樂也成豈無自哉明乎其自則未得者不可以不勉也即得之
者尤不可以不養也吾願學者終身於詩禮樂焉而可矣

子曰興於
孫守之

其恢廓之体直與維皇並其廣遠而不存讓善之迹天下有充周焉如此者乎何其盛也吾即淵泉者形之而知未可以易形也無已其徵諸淵乎淵以靜涵之体極深沉而不可測臨流於其際者誰克與之相符焉至聖德積於深其有本之懿直與泉源同其浩瀚而不形比擬之迹天下有汪洋焉如此者乎又何其盛也至聖如此此即端居恭默律度不彰而天下莫不欽其德範服其政教措敷群然敬信說之不忘而况見之言之行之有彰明較著者哉故時而見焉在聖人祇自表其威儀而觀瞻之下德隅親之亦即神明凜之矣其有不欽承者誰欽且時出而為言在聖人祇自發

為嘉謨而聞聲之餘德音佩之亦即中心貺之矣其有不允孚者誰欽抑時出而為行在聖人祇自著其敷施而歸極之日德行尊之亦即鼓舞深之矣其有不樂從者誰欽觀於敬信說之皆然維曰發見當可乎要非如天如淵不致此以一心而弘其德維高深莫能過焉而百姓之欽從視此矣以一時而著其猷維萬方莫能違焉而至德之廣被可知矣試進而極言之

溥溥如天 孫守之

今夫麩麥其心一熟矣而一粟之與萬其要同孫守之第八名

驗同於物益知才之非殊矣甚矣麩麥之同也由播種而至於熟其同者皆然則才之同也於茲益信且吾嘗靜考生初其同焉有是才即同焉可為善者比比然也雖極具體之不一初無彼此之殊觀此豈獨賦質為然哉夫物則亦有然者矣吾試與之言麩麥今夫徧布於郊原者非麩麥也耶其間苗而秀秀而實者非麩麥之熟也耶而要之必自播種始麩麥生於天然天能生之而天不能植之則附麗於地者必不能無資於人力麩麥成於地然地能成之而地不能遂成之則降種於地者必不能或異其栽培甚矣

今夫麩麥其心一熟矣而一粟之與萬其要同孫守之第八名

驗同於物益知才之非殊矣甚矣麩麥之同也由播種而至於熟其同者皆然則才之同也於茲益信且吾嘗靜考生初其同焉有是才即同焉可為善者比比然也雖極具體之不一初無彼此之殊觀此豈獨賦質為然哉夫物則亦有然者矣吾試與之言麩麥今夫徧布於郊原者非麩麥也耶其間苗而秀秀而實者非麩麥之熟也耶而要之必自播種始麩麥生於天然天能生之而天不能植之則附麗於地者必不能無資於人力麩麥成於地然地能成之而地不能遂成之則降種於地者必不能或異其栽培甚矣

麩麥之同也在今之言麩麥者必謂播厥百穀彼此之地未必盡同也植之菽麥樹藝之時未必皆同也不獨地也不獨時也迨其後與翼與歌綠野千疇先後之時又未必盡同也夫麩麥而果如是也哉今試履畝而望之問有播厥百穀而彼此之殊其地者乎曰無有也蓋播而耰之之地同也問有植之菽麥而樹藝之異其時者乎曰無有也蓋樹之之時又同也問有與翼與歌綠野千疇而先後之分其時者乎曰無有也蓋生而日至日至而熟其時更無不同也然則麩麥之非殊也不猶之天之降才之非殊也哉夫自耰而樹而熟其功不一而一家之與萬井要同此無曠其地無負其時之功抑地之與時時之與日為候不作而千耦之與一成總同此地無遺利日無虛至之候何也以麩麥之本同也故觀於麩麥而才可知矣觀於麩麥之皆同而才之非殊更可知矣

今夫麩麥

孫守之

今夫...

其...

子曰興於詩

書一房貴陽府學
正施澤遠閣薦
楊文徵 第二十九名

著興立成之由學古而有獲矣夫詩禮樂古之興立成之心所由作也今人之興立成而不於詩禮樂其道無由夫子為原其得力之次第若謂嘗曠觀斯世而竊嘆古之成材之易而今之成材之難也蓋古人置其身於聲文度數之中今人用其心於篇章制作之外無怪乎成材之難而吾學無告成之一日也如興也立也成也此學中必致之候而得力之先後淺深容可誣哉今夫人一室靜晤而忽動其感奮之心則難乃何以學之方始見聖賢則知慕觀不肖則知愧聞忠孝廉節則知趨如是則興而興也何從萬感

雜投而獨守其特立之志則又難乃何以學之既久則耳目不患其無加手足不患其無措威儀行誼不患其無據如是則立而立也何途存養未深而遽底於和順之域則更難乃何以學之既終進之而私累無所容進之而思勉無所事進之而廣大精微無所圍如是則成而成也何端昔先王有興立成之心因知天下同有興立成之心特患天下不能無藉而有興立成之心於是作為歌咏而美譏正變之必詳制為品節而等威度數之必辨播之聲音而音律綴兆之必周使天下之人羣焉服習於其中初亦不知何者能令人興何者能令人立何者能令人成迨漸而進之久而自

得之而後嘆古人之裨我良深其功歷歷不爽耳好惡之誠具之於心無以感之或失於靡矣及觀於詩而諷咏在篇什之中愧勵在天良之內恍若干古之忠臣孝子立於吾前不啻自我行之自我作之者焉則興也於詩中正之則原之於性無以防之則流於蕩矣及習於禮而節文在度數之中操持在明且之內恍若三代之忠敬質文形於我側不啻自我法之自我制之者焉則立也於禮和平之音發之於情無以淑之則失於戾矣及深於樂而舞蹈在音節之中從容在性情之內恍若百王之性反功德會於吾心不啻情與理契志與神化者焉則成也於樂蓋學之得力次第有

雲南雜記卷之三
來而萬物咸周不必意有所往而無一不徧羣生在抱斯何異於
穆之廣運也其殆如天然世之寂守者曰深藏若虛也務簡者曰
肆應有原也彼固自以為淵泉矣然紆紆庶類而欲以在宥之衷
酌酢不窮也寧可必乎若至聖之淵泉淡其欲以居心而可以給
有欲之求養其性以立本而有以發至性之蘊張弛無竭斯何異
浩瀚之莫測也其誠如淵然雖然吾聞之藏之厚者其發自廣天
下幾見有如天而民猶不感者誰乎蓄之深者其流自遠天下幾
見有如淵而民猶不孚者誰乎吾見其時出而見焉將之舉動時
出而言焉播之誥令時出而行焉傳諸政教在至聖祇不過積厚

而流抑見其莫不敬焉而民羣致其恪恭莫不信焉而民咸切其
傾心莫不說焉而民羣深其佩服在斯民自如其所感以應所以
至德中存原非馳情於高深而充積極盛自於俯仰而如遇其嶽
抑聖德昭宣亦非希心於庶類而發見當可自將於羣情而能作
其孚向非如天如淵之德君臨乎上何以敬信說之心自致於下
也哉進而思之正所謂大德之敦化也正所謂小德之川流也

溥博如天

楊文徵

有可以相為指示者矣而孰知其不然則曷觀之麩麥麩麥之生本於天然不能以嘉種未播忽報以發行蕃滋之盛則欲其與翼可歌者必其樹藝之無荒也試可即麩麥而遙憶其率作之初麩麥之成資乎地然不能以原隰異宜遂可獲告成一致之休茲何以土膏之無異者復氣候之相齊也更可即麩麥而概觀其成功之候則試與主伯亞旅遠眺原野近瞻禹甸見夫取之家而散之野播種而耰也土壤相若而耕耘無殊地同而樹同也菁蔥在望而華美可觀者淳然而生也未幾而時日既屆其實皆實矣日至之待有不皆熟矣乎夫天下亦惟是不同者之不可以強言同耳極彼此之殊觀故有難為一致之論然天下正惟是既同者之不可以謂其不同耳縱先後之有別實以徵其大同之休噫麩麥有然又豈獨麩麥為然乎

今夫麩麥

楊文徵

子與於... 心學之有所資也... 聖人歷指其所得焉... 蓋人之心莫不各有一與... 立成也抑知學之歷乎此者... 非詩禮樂不為功且夫古人之書古... 人治心之學也顧古人先我而有其心... 而以其所得者著為書我... 讀古人之書而不克心與古遇即遇矣... 而輒謂古人自得其為古... 人我自得其為我遂欲駕古人而自命... 此其人必於學未深非真... 能得力者而後可今試為學者切指之... 而知吾學之有獲皆於古... 有取資也圖書未出天地亦以性情之... 自效者隱寓於兩間迨書... 契既著聖人即以神明之各具者悉通... 於制作特未嘗明言之曰

子曰興於詩一章

易三房貴州黃平州李從綱第三十
學正杜學林閣薦名

心學之有所資也聖人歷指其所得焉蓋人之心莫不各有一與立成也抑知學之歷乎此者非詩禮樂不為功且夫古人之書古人治心之學也顧古人先我而有其心而以其所得者著為書我讀古人之書而不克心與古遇即遇矣而輒謂古人自得其為古人我自得其為我遂欲駕古人而自命此其人必於學未深非真能得力者而後可今試為學者切指之而知吾學之有獲皆於古有取資也圖書未出天地亦以性情之自效者隱寓於兩間迨書契既著聖人即以神明之各具者悉通於制作特未嘗明言之曰

孰者為感發之書孰者為守固之書又孰者為純修之書也使當
日明言之而人先執詩以為興先執禮以為立先執樂以求成則
其為興立成也必淺然則興也立也成也豈必有所藉而見哉雖
然吾學中得力之數徃徃學者不自知也天懷之內皆稽於古而
有馴致之序故好惡深而振奮者必進於堅定志力貞而自植者
必要於神化則自始而中而終其所以致此者學者曾喻之乎載
籍之中皆切於人而有相資之益故勸懲著而勃然其莫已莊敬
強而卓然其不拔聲容和而粹然其至善則初得之而為興繼得
之而為立終得之而為成而所以臻此者學者諒忘之耳蓋學問

至有得之後隨在皆與聖賢有相遇之端不獨興也不獨立也不
獨成也而總其全功而計之則歷境雖多要非無本之學術抑吾
人雖有足信之功無一不與徃訓有一心之合不自興也不自立
也不自成也而即其實效而攷之則淺深各見當自識其功力所
由幾吾得為天下歷歷正告之曰興於詩立於禮成於樂

子曰興於

李從綱

之而淵泉何如也湛深靜穆至德其難名矣試思蓄之甚裕者非
藏之不竭者乎直以為如淵如是則積於內者不極盛乎然或發
之驟而失之過出之緩而近於迂雖日挾吾仁以臨天下幾何不
以姑息累慈祥日挾吾義以臨天下幾何不以剛斷乖機務且日
挾吾禮吾知以臨天下而或以拘牽傷正大或以綜核損精明此
日之民鮮有不我玩我疑而我怨者矣乃吾低徊至聖而知其不
然也故時而與天下相親則歌其愷悌者復欽其裁制凜其律度
者復頌其聰明則發之無未當者如天之所以難罄即時而與天
下相違則明已戴其高深而不必容執之日接民已景其和厚而
不必敬別之日加則措之無不宜者如淵之所以莫測充積美而
化自神敷施弘而德益遠何能不思至聖耶何能不思至聖之具
之言之行之而民莫不敬信說耶

溥博如天

李從綱

物之始終皆同也已信降才之非殊矣甚矣物之同不止麩麥也
 自播種至熟其皆同也已然尚何疑降才之殊乎嘗謂天生一人
 而予以一才天實有厚望於人之功顧人之自待有厚薄遂謂天
 定勝人而於上天生我之意未問焉豈將以人而等之物乎抑知
 天壤間至微之物宜天心之不屬矣及觀其人功之盡地利之均
 天候之屆而罔有弗合當亦無有弗合者矣子弟之攸分豈降才
 之殊哉使降才或殊則必人之成敗物之重輕即賦畀之初而已
 受其制性之全於人與不必全於人氣之鼓乎物與不必鼓乎物

今夫麩麥熟矣降才未嘗有厚薄李從綱第三十名

物之始終皆同也已信降才之非殊矣甚矣物之同不止麩麥也
 自播種至熟其皆同也已然尚何疑降才之殊乎嘗謂天生一人
 而予以一才天實有厚望於人之功顧人之自待有厚薄遂謂天
 定勝人而於上天生我之意未問焉豈將以人而等之物乎抑知
 天壤間至微之物宜天心之不屬矣及觀其人功之盡地利之均
 天候之屆而罔有弗合當亦無有弗合者矣子弟之攸分豈降才
 之殊哉使降才或殊則必人之成敗物之重輕即賦畀之初而已
 受其制性之全於人與不必全於人氣之鼓乎物與不必鼓乎物

即降衷之始而已立其程而後可若然則子弟之賢愚有定也安論歲之豐歉而况物之無足貴者哉乃觀於今而竊有慨於麩麥也夫麩麥雖亦載天之理以成性稟天之氣以成形然自有麩麥以來而人之遇之者有愛有弗愛焉是人之於麩麥已難必其同矣且也當播種之日南北異向風土異宜其地未必同滋培之先後栽植之參差樹之時又未必同雖萬物之生以秋為時然氣之得也常蚤氣之失也常晚日至之時又未必其皆熟茲則問其獲而地同問其樹而時同問其生而皆熟同固大彰明較著者也如斯而天下之類乎是與不類乎是者不皆可作麩麥觀哉吁子弟之有藉而成與無所藉而不成非天之過也乃人往往於成不成之日謂子弟之天有異而歸其咎於天即子弟之陷溺亦自忘其故而於天有責望焉且曰天之於我獨薄也是皆有降才爾殊之見存也曷觀麩麥

今夫麩麥 李從綱

子曰興於

一章

書二房鎮遠府教授王嗣衍閱薦

仇文龍

第三十一名

心學有全功於詩禮樂而收其益焉夫由興而立而成學之功全矣而必於詩禮樂得之學可不務心得哉且為學而無以自得於心雖求盡天下之理於無窮亦終未見其有據也夫學莫患乎無據而尤貴乎各得誠使善學者因吾心所自致而適協其宜焉則吾學亦庶乎有由已何則斯世躁妄矜情之士其始非不留心載籍博覽名物後將一往而易盡非初終之頓異抑亦所學之無序也天下聰明自逞之儒亦嘗鼓其潛修勵其志氣卒致一無所成就非久暫之或殊抑亦所學之多岐也如是則興也立也成也何

一非學者所有事哉試思學問有何淺深祇視吾心之能奮有時志士振動之懷反不如匹夫愧悔之切者興與不興異也憤排交迫吾學中誠有此興之一境矣至理有何艱深祇視吾心之能守有時學士慎持之操反不如庸愚強固之堅者立與不立故也達變通權吾學中實有此立之一候矣功能有何險阻祇視乎吾心之能永有時修士觀成之日究勝於庸流奏效之年者成與不成異也慎終如始吾學中原有此成之一途矣然而興非泛焉無所資也奮迅雖足以治心然或氣過銳而流於縱志過盛而入於荒則性情之偏未始非歌咏之或忘也而何可不於詩也抑立非矯

焉中止也持守亦足以立已然或執於一而失之偏泥於迹而流為固則強制之弊未始非節文之不講也而何可不於禮也且成非漫焉而鮮所終也觀成亦足以善後然或中阻焉而入於乖或缺畧焉而流於戾則鮮終之患未始非音律之不嫻也而何可不於樂也然興何以獨得之詩乎微文大義每多不盡之藏碩先王因性情而發為歌咏後人因歌咏而悟其性情則由關雎以及殷武無一非起發人心之具也其必興於詩立何以獨得之禮乎制節謹度恒昭中正之則碩先王因情文而著為秩序後人因秩序而彰其情文則由三百以及三千無一非範圍人心之矩也其必

立於禮且成何以獨得之樂乎按律諧聲每多和平之化碩先王
因人心而宣為雅奏後人即雅奏以陶淑人心則自五聲以及十
二律隨在皆化導天下之矩也其必成於樂總之興立成各有不
容紊之序而詩禮樂亦有不易得之實心學自此而全惟在善學
者加之意而可哉

子曰興於

仇文龍

溥博如天

不說

仇文龍

第三十
一名

極形至聖之德隨所發而皆當也蓋如天如淵德至此無以加矣
即徵之敬信說而民莫不然焉不幾任所發而各當乎嘗觀至聖
以聰明睿智之德出而君臨天下匪但內蘊之充周也蓋實有窮
之莫盡其量測之莫盡其體之藏焉苟不深窺其體量而以淺隘
之見測之則凡德微所至而能使一世之民悉蒸蒸焉出於情之
不能已動以意之不得不然者抑又何也如至聖亦既溥博淵泉
而時出之矣當斯時也德量足以逮方隅無以間一心之廣大不
冒足以覆萬物適以昭一人之含弘生其時者亦惟愛之慕之頌

至聖之德於不已耳又安有馳域外之觀思淵涵之度而曰至聖
碩如是其難盡矣乎還即至聖之溥博思之其殆如天然素無深
沉之積而遂馳心浩大以期瀾綸則其為德也亦隘而未周至聖
廣遠莫外極其量至於含蓋萬有而無一物之或遺則一如天之
無不覆而已矣抑即至聖之淵泉思之其又如淵然素無靜深之
養而遽思深藏莫測以期有本則其為德也亦淺而未深至聖寧
靜有素推其體至於寬深不測而無一私之或滯殆一如淵之無
不靜而已矣如天如淵至聖豈以發之未當者致使敬信說尚有
斲於民乎吾以知至聖有先萬民而作孚者焉聖天子之舉動每

為下民所觀瞻碩今日者凡一張弛一言論以至發諸推行之原
無非德意行乎其間覺斯民之感孚者猶後而深宮之作則者先
也斯誠意之甚切者矣抑以知斯民有戴聖德而不知者焉小民
奉上之隱即天子亦難以相強碩今日者或羣深其祗承或共相
為愛戴以至歡欣鼓舞無徃非盛德以為蒸被覺感以迹者尚淺
而感以心者倍深也斯誠心之篤摯者矣見與言行如此而民莫
不敬莫不信莫不說如彼非如天如淵之德何以致此也遐哉聖
德真不可及矣

溥博如天 仇文龍

今夫麩麥 熟矣

仇文龍 第三十一名

於麩麥而歷觀其同可知降才之無殊矣甚矣麩麥亦天所降也
 由播種以至於熟寧有弗同者降才之無殊夫何有異哉今夫降
 才之初天以甚美者予人而其餘亦及於庶物羣謂此造物之生
 成則然耳抑知自誕降伊始以來早已同具此生生之理此中由
 初以迄於終由總以及於成雖異地而各為用實一理而相為同
 已如天之降才亦既無殊矣乃或者曰羣彙雖並蒙恩已有難齊
 之勢萬物共處覆載不無或異之實如是則降才之無殊獨不能
 於物致之手雖然物亦有同焉者間嘗曠觀天地之內俯察物類

之繁於萬有不齊之中而獨有意於莠麥也今夫莠麥生於天而成於地當嘉種未播之時農夫翹首而祝曰東作方興吾其勿廢農工歟於是勤手足勞胼胝羣識地利之當興也則地同也乃未幾而樹植有候矣或勤耕作或勤力田雖需體塗足勿恤也以其同此樹之時心夫既同其地又同其時則向之同為播種者今已翻然而變也向之同為樹植者今已生生不窮也農夫望莠麥而共慶曰庶其皆熟矣乎而初何有或異者乎然而莠麥之同一在乎共秉天良也物之出於總起者將一時而同之閱一時而又異矣莠麥豈總起所出乎彼不先於此此不後於彼合初終而一致夫非天良之獨美者哉一在同具恒性也物之出於後起者初焉而同之歷一時而更異矣莠麥非恒性所生乎既同其並育又同其告成統前後而一致夫非恒性之獨著者哉夫觀莠麥之同可以驗人性之同矣彼陷溺其心者可不觀莠麥而知悟哉

今夫莠麥

仇文龍

子曰興於

一章

書二房鎮遠府教授王嗣衍閱薦

劉

清 第三十
二名

學以有所資而成取之古者無盡矣蓋學至於有成亦幾忘其所
 以興之立之成之也然而詩禮樂至今傳矣則言興立成者厥有
 由哉且士生今日勿謂今人之道可以治今人而有餘也今人即
 能自治而必假古人之道以治之是故溫柔敦厚有教之者焉恭
 儉莊敬有教之者焉廣博易良有教之者焉以古人之道治今人
 亦猶以今人之道治今人焉耳夫人天性激昂莫不思興然而易
 感者或至於易忘耳忠孝節烈之行豈至今日而始有我之前應
 有先我而興者興之不已又從而感慨流連以曲傳其不能自將

之志則詩之所以為教也詩之道美刺並陳而一經其體會則以
我之節性防淫者質之古人亦未必其有異情於是見善思遷其
勃然矣見不善思改其勃然矣夫好善惡惡古今群有其心而此
日之激揚遂若於詩遇之則非執詩以求興也而所以興者不外
此抑人德性堅定莫不思立然而易制者或至於易遷耳大中至
正之矩豈至今日而始得我之前應有先我而立者立之不已又
從而緣情定分以曲垂為不容或紊之經則禮之所以為教也禮
之道經曲並傳而一納於範圍則以我之檢身循分者質之古人
亦未必其有異用於是力日以堅其確然矣識日以定其確然矣

夫三千三百古今群習其儀而此日之持循遂若於禮得之則非
執禮以求立也而所以立者不外此抑人學優養裕莫不思成然
而易化者或至於易滯耳悠游泮渙之情豈至今日而始具我之
前應有先我而成者成之不已又從而審音定律以大備其聲音
綴兆之遺則樂之所以為教也樂之道性情畢協苟一納於中和
則以我之從容涵泳者質之古人亦未必其有異道於是義日以
精其油然矣仁日以熟其油然矣夫直簡溫文人心久而思化而
此日之陶成遂若於樂遇之則非執樂以求成也而所以成者不
外此興立成有然則是古人之道果可以治今人而有餘也是在

學者而已矣

子曰興於
劉清

溥博如天
不說

劉清
第三十
二名

至聖不可以形求於時出者觀之而已夫溥博淵泉至天淵極矣
而至聖之德若與為一焉觀其見與言之得民如此非時出者
能哉且至聖在上而其時之民皆囿於覆載之中而不知蓋至聖
本不可名而欲有以名之則極之於俯仰之際而如見至聖焉驗
之於從欲之衆而如見至聖焉積於中者既裕斯見於外者自神
其道然也溥博淵泉而時出之至聖固可自我而窮哉常試遊格
被之下而觀其溥博矣夫世之稱溥博者惟怙冒群生者有以運
行於無外溥博至天止耳至聖位乎其中獨能以一己之德相為

始終蓋至聖出而其所為溥博者即天亦不得獨擅其廣大也天體物而不遺至聖御物而無間或有同焉者乎常試親含弘之量而如見其淵泉矣夫世之稱淵泉者惟淵涵有本者有以極於不窮淵泉至淵極耳以至聖處乎其際獨能以一己之德並其不測蓋至聖出而其所為淵泉者即淵亦不得獨形其靜深也淵含物而不移至聖容物而無隘殆有合焉者乎審如是則如天者日戴乎高而莫知其所為溥博者也如淵者日圍於深而莫識所為淵泉者也則庶幾於時出者驗之意其時出而為見耶政教所敷至聖之精深寓焉民不知至聖之精深而有不知其政教者乎時出而為言耶文誥所宣至聖之德意加焉民且服至聖之德意而有不知其文誥者乎時出而為行耶創建所及至聖之光華被焉民且近至聖之光華而有不嘉其創建者乎故以為莫不敬者自見生也莫不信者自言生也莫不說者自行生也摠之德之盛者至聖也化之神者即至聖也充積既極其至而發越又協其宜吾將極敬之信之說之之故以觀至聖矣何也有臨者至聖之所自裕也故時出有如此者

溥博如天
劉清

今夫麩麥 熟矣

劉清 第三十
二名

物期於熟可於同者觀之矣蓋麩麥而至於熟物之性宜然也故觀麩麥者必觀其同凡以非同不可以言物也今夫天既生人因而生物豈遂因物之故而吝其所以生之者哉然物之為物受命於天而亦不盡受命於天蓋生物者天之權而使物之能遂如其所生者即天又已謝其權也慨自詩咏來牟而麩麥之名以傳蓋不聞盡地力者不思報田祖之貺持錢鏹者不思酬率育之勞則以熟為期也必矣以熟為期故自播種始夫原其播種之日以為不必任地耶天主施而地主受考之禹貢高原下隍有其域黑白

墳壚有其壤而揆之育物之功有所厚而厚焉有所薄而薄焉已
非地矣而此日之麩麥則地同以為不必任人耶天主逸而人主
勞考之豈詩于報舉趾亦有日也匏壺菽苴亦有植也而揆之樹
藝之理有所先而急焉有所後而緩焉尤非所以樹之矣而此日
之麩麥則樹之時又同審若是則生矣且淳然而生矣物之性主
生能生之者即能成之故當其日至則婦子之依或亦於斯是慶
也吾知其必計日而待曰庶幾其熟耶物之理主成能成之者即
不得不思有以生之故當其日至則八口之家或亦於斯是賴也
吾知其必引領而望曰庶幾其皆熟耶蓋日至而熟則將歸功於
地乎地本有可熟之道而况麩麥之生已不同黍稷粱盛尚待祈
年秉耒之事日至而皆熟則將歸功於時乎時本有能熟之機而
况麩麥之生且不同秬秠糜芑必待服穡力田之瘁無如所以熟
之者不在地也並不在時也至是則同而不同者或亦麩麥之不
能自為者乎

今夫麩麥 劉清

子曰興於詩一章

詩三房思南府教授吳以仁閱薦

許泰來 第三十 三名

學古之益以而知其不誣也夫興立成學之始終盡是矣而皆於詩禮樂得之學古之益顧不大哉夫子為善學者勉也若謂人心之益不可以虛取也先王之道不可以淺嘗也惟善學者義類各極其精深功效悉有其次第此中相因之致固可于有得後而一驗之矣今夫人之心本有善而無惡使見善而不知好見惡而不知惡則感奮無地終無以為入學之基學固未有不始于興者然知其興矣而抑知興于何自乎有詩在焉而正非執詩以求興也始而誦讀之繼而歌咏之久之而神明之感發遂不覺油然其

自生是于詩而有以得興者亦惟興而后有以收詩之益也興於詩抑人之心本好善而惡惡也使有善而不能進有惡而不能去則持守無據何以爲固學之本學未有不繼以立者然人知其立矣而抑知其立于何自乎有禮在焉而正非執禮以求立也始而服習之繼而持循之久之而天懷之淡定遂有以確然而不拔是於禮而有以得立者亦惟立而后有以收禮之益也立於禮抑人之心本無善之可遷無惡之可去也使好善而猶有其名惡惡而猶存其迹則是猶安于小就終難以造渾全之脩學固未有不要以成者然人知其成矣而知其成于何自乎有樂在焉而究非執樂以求成也始習其器數總究其精微久之而和平之陶淑自有以涵養其身心是于樂而得其成者正惟成而后有以收樂之益也成于樂要之興立成有淺深而詩禮樂無先後幼而習焉其功預也漸而深焉其效有難強也分而致之各依其類也合而要之總歸于全也是在善學者矣

子曰興於

詩

溥博如天 不說

許泰來 第三十
三名

德盛者化自神兩擬之而可見矣甚矣至聖之德非天淵不足以擬之也而時出之用其敬信說于民也固宜從來斯世之從違即足以徵内存之淺深斷未有充積未厚而能致群情之不應者也所以至聖在上德極其精深而用昭于各當豈可淺測于其間也耶如至聖既溥博淵泉而時出之矣廣大之體已含衆有而靡遺吾欲形之而幾難為形容矣意者其天乎今夫天不冒無方固統群生而咸被其曲成是惟天乃有是溥博耳若以至聖而同乎天不幾擬人不于其倫乎而不知全乎至足之德則不冒者在形氣

不異其在精微也何弗如之精深之德已統備衆理而無不足吾
欲擬之而我難為擬議矣意者其淵乎今夫淵川流不息古今莫
能窮其中之所蘊意惟淵乃有是淵泉耳而以至聖同乎淵不我
擬德不于其類乎不知克全其至足之能則靜深之在氣化不異
其在神明矣何弗如之如天如淵則其德之充積于內者不已極
其甚盛也哉故即一物未交一事未著而已備夫德盛化神之理
况夫既著之身復彰之世自有積厚流光之休故時而見也大君
無在不與天下相見特先時以出之則有以大拂乎民志而急心
起之矣若至聖則盛德之所丕著無不有以悉協其心而民猶息
忽將之者誰歟由是見而出為言焉小民之身家亦足煩大君之
誠誥特后時而出之則不能深入乎民隱而為妄斯起之矣若至
聖則盛德之丕照自無不有以適當乎民隱而民猶有欺偽相尚
者誰歟至若見之出而為行者固不在創建乎非常而在悉當其
衆志夫天下惟舉動乖乎時宜斯起天下以煩苦之具耳若至聖
之推行而無不當也有不欣歡恐后者歟而要非如天如淵之德
不至此此至聖所以臨天下而有餘也

養而至而必借資于永奠之能且也寒暑相侵不能保其堅秀之質則樹之必有其時焉凡此者皆為麩麥之生計也然是麩麥也豈易得此生之一日哉夫未能生之則前此之耰之而樹之者尤在可危之中既至于生則後此之實好而實堅者已漸有從容之樂矣故為之計日以觀至于其時則皆熟矣謂是麩麥之得于性者優歟何以未至于日而不能熟者既至于時而自不得不熟也此其故在麩麥亦不能自主而惟以莫不皆然者答降鑿之不爽而已矣謂是麩麥之成于習者然乎而何以既至其時而不得不熟者亦猶未至于時而自不能為熟也此其中即麩麥能自主而觀于麩麥之皆熟則降才之不殊也可知矣

今夫麩麥

許泰來

子曰興於
一章

易二房定邊縣知
縣崔靖閱薦李之公第三十
四名

因心學而歷指其所得知稽古之益也夫興立成皆心所自具而於詩禮樂得之稽古之益不綦大乎此夫子示人以治心之全學也若曰嘗觀三代而上典籍不甚備而士君子皆得自淑其性以各成其材後之人處典籍詳明之日不思效法芳型甘自外於先王之教固已陋也甚至自讀其書莫克出一己之性以與古人之性相感通而輒謂大雅可風不難自命為三代以上之材斯其無具不又甚乎何則秉彝之德原不泯於人心苟靜返諸神明而適如其所素具將顯之足以達情微之足以盡性而明備者悉為我

用矣人性之善本無分於今古苟悟對往哲而適獲其所素期將粗之可以勵行精之於以窮神凡燦陳者皆為我助矣是故學之始也莫要於興學者當一室寂處非不悠然而有懷然不移時而輒止者此無他以不知興故也善學者積寢食憂憤之思與為服習一翔步之間而忽有無端之歌泣意古之人遇物流連已曲寫其興之之機而興之所觸發若自有一詩焉謂是詩之能興人歟抑人之自為興歟吾知其興於詩學之中也莫要於立學者當祈嚮攸端非不欲卓然以自持然不移時而輒易者此無他以不知立故也善學者本中懷嚴翼之誠與為率循一錯履之際皆有範

圍之莫過意古之人品節較著而節文度数早繩人以立之之勢而立之所自致若自具一禮焉謂是禮之能立人歟抑人之自為立歟吾知其立於禮學之終也莫要於成學者當踐履日篤非不欲陶然而自適然未幾而勉強從之者此無他以不知成故也善學者從容於仁義道德之休而與為游泳迨涵養之至已不覺神志之交融意古之人中和建極而疾徐舞蹈自克裕夫成之之修而成之所備美又若自有一樂焉謂是樂之能成人歟抑人之自為成歟吾知其成於樂乃知進脩無躡等之虞審所從事而次第以相及將初焉而與為慕之繼焉而與為守之迨積之久而更相

與化之庶名理由斯其日集矣吾道無空踈之患廣諸義類以嚴其克復將得一經而志以奮更得一經而行以端復得一經而道以純庶天良由是其日敦矣學而知此將先王詩禮樂之教可以永存而大雅之材如或見之安在不可比隆於三代之英也歟

子曰興於
李之公

溥博如天

不說

李之公

第三十四名

擬聖德於天淵徵諸民而益見其盛焉蓋溥博淵泉至聖之德已莫可量矣極諸天淵而其徵諸民也尚何往之弗宜哉今以至聖而首出於上則藏之為盛德而顯之為大業者誠非擬議之所得竟矣令其中藏無本將存之也易窮而其發之也亦易匱而欲經緯兆姓動罔不臧也勢固有所不能溥博淵泉至聖之德果何如哉德必視乎其所積積之不厚而德未廣者人得而易窺之矣是故德祇此德也狹者遇廣者而遜焉廣者望至廣者而尤遜焉至聖之德固廣之無從窺其廣也而疇克如之德必視乎其所蓄蓄

之弗裕而德未深者人斯得而易量之矣是故德祇此德也淺者
遇深者而絀焉深者遇至深者而尤絀焉至聖之德固深之無可
測其深也而孰克如之間嘗仰觀於天而見夫蒼蒼者怙冒之莫
外也俯察於淵而見夫浩浩者含弘之靡涯也則言溥博淵泉者
至天淵而莫與京矣而至聖之德適如之將出其聰明睿智之姿
以為照臨而照臨罔不周也出其仁義禮智之德以為時措而時
措罔不宜也不必徵諸民而已裕其理者即徵諸民而更有其效
一代之人心關乎主術至聖德極於如天則其搯術者已為有本
矣故時乎見而見宜於民也時乎言而言宜於民也時乎行而行

宜於民也不必侈言感應而鼓舞於下者自適如其德以相感則
惟其性足以通之耳一人之德意彰諸民情至聖德極於如淵則
其用情者為甚正矣故見以時發而民自無敢慢也言以時發而
民自無敢欺也行以時發而民自無敢拂也無事矜語誠孚而默
格於中者自適如其德以相孚則惟其天足以動之耳乃知盛德
者勲猷所自出也齋居見性之餘蚤先嘉師而議道而容執敬別
之渾於無名者不啻大德之敦化也治化者懿德之所由著也建
極綏猷之日咸準輿志於悉協而容執敬別之推於各當者不啻
小德之川流也至是而不僅以如天求之矣

溥博如天

李之公

今夫麩麥

熟矣

李之公

第三十四卷

物之種也無不同可取之以明降才之非殊焉夫使降才而有殊
 也可無喻言於物矣觀於麩麥而其同焉者不可槩見乎且天下
 惟是賦質之原於生初者未可岐而視之也而人或因其繼之異
 而輒疑其始之同鮮不以無可岐視者反岐而視之矣試為曠觀
 於物而質之無不同者亦有然者也則有質者亦可以悠然悟矣
 降才非殊此自人之種而論之也然種於人而五行萃其秀三才
 居其貴已無此豐彼歉之異意者一物如是而凡物莫不若是耶
 而或者疑之謂是種也富歲之子弟為一種而凶歲之子弟烏乎

同凶歲之子弟為一種而富歲之子弟烏乎同由是而未陷未溺之種與已陷已溺之種皆若置之弗問矣此而復與之論人心人心將何以自解夫不有所謂麩麥乎獨不觀於今之麩麥乎麩麥之生原於天原於天者無不可培其天之所已然麩麥之生本於性本於性者無不可葆其性之所自有非曰此一種而彼又一種也非曰昔一種而今又一種也令其種而以彼此分也勢必問其耨而耨或異問其地而地或異問其樹而樹別為一時問其生而生別為一時使其種而以今昔殊也勢必耨者各自成其耨而耨難強同樹者各自成其樹而樹難強同生者各自為生而生不無

異時熟者各自為熟而熟不無異時而不然也間嘗考之先王九土以辨見夫下者稻而高者黍爰覆以土而相厥地而物以樹以生至於祝融司令而火德轉旺僉曰此日至矣其無不熟焉者正其無不同焉者乎嗟夫生質維良曾何分於降衷之體則任歲之為富為凶祇聽夫運數之自致而物可以無心賦稟維均究何別於生成之後則任人之或賴或暴祇安乎物情之有常而天並未嘗有意曠觀天下其種同而生並無不同者槩可作麩麥觀也而獨不思所以自樹以耨而熟之何陷溺者之惑也

今夫蕤麥 李之公

子曰興於 一章

易二房定邊縣知 縣崔 清闕薦 江自岷 第三十 五名

學有所由得備著之而知其甚切矣夫興立成皆學中自有之境也而必於詩禮樂得之然則詩禮樂其可以不學哉今夫學之境至無窮也歷其中而有以自得亦甚非淺嘗之數矣故其始也必有所由始其繼也必有所由繼其終也必有所由終在學者初非擬此而為之而得效恒可遞數焉此中相因之故夫豈易致乎吾試為學者言之當夫學之始而吾之心奮然莫遏者非興也歟好惡為斯人固有之良故善惡猝投而天懷之感發無待而生是興原性所自有也特自有之而非與古之言性者寤寐深之則無以

啓其識而任情之弊與委靡之弊或往往而然矣古之人所以移人於風雅之中也有詩而美者忠孝可以格鬼神惡者譏刺可以昭懲戒讀四始六義之詞而觸境生情常不禁其歌泣之致夫亦其揚扝者精也雖未興之日未嘗止學詩以致其功即既興之時又未嘗止學詩以畢其效而一想夫激昂慷慨之深情必有與我為感通者詩其感通之最速也則興於詩及夫學之繼而吾之心確乎不拔者非立也歟剛健為斯人共全之理故可否互乘而在我之操脩秩然而定是立原性所自具也特自具之而非與古之制性者被服將之則無以振其才而膠固之失與中衰之失或往

往而有矣古之人所以納人於軌物之內也有禮而大者朝廟以正其率循小者出入亦貞其矩矱謹三千三百之儀而因事定則常不渝其中正之體夫亦其防制者密也雖未立之日未嘗止因立以求其禮即既立之時又未嘗膠於禮以期其立而一想夫無過不及之修為必有與我為挾持者禮其挾持之甚固也則立於禮迨夫學之終而吾之心粹然至善者非成也歟和順為斯人共具之懿故太和冲合而在我之休嘉自然而致是成亦吾性所自全也特自全之而非與古之淑性者神明通之則無以純其德而聰明之見與才力之見或往往未化矣古之人所以養人於琴瑟

之餘也有樂而微者以功德理其性情顯者以聲容調其志氣奉
廣博易良之教而義精仁熟自克泯其乖戾之端夫亦其涵養者
裕也雖未成之日不僅學樂以期其成即既成之時亦非求成以
期於樂而一想夫窮神達化之功能必有與我為粹精者樂其粹
精之極致也則成於樂興立成之境如此然則詩禮樂其可以不
學哉

子曰興於

江自岷

溥博如天

不說

江自岷

第三十
五名

至聖之德極其盛可進徵其時出者焉夫溥博至天淵泉至淵止
矣而至聖如之此見與言行所由時出之而皆當也哉嘗觀積之
不富者則其及亦有限源之不深者則其流亦不遠此自然之理
也若夫存於內者既有以周乎無外而達乎無窮則發於外者自
有以徵其性情而作其鼓舞猗歟盛哉非甚盛德孰克致此也吾
有以知至聖之溥博矣凡言德之大者靜而思之不能窮其所必
至迨擬議焉而廓乎無際之觀恍在聖性包涵之內矣然而包涵
則何量乎今夫天高高而在上者於其下殆無所不遍也於其外

殆無所不充也而至聖與之合撰而同揆則溥博如天吾有以知
至聖之淵泉矣凡言德之深者寂而觀之不能識其所自存迨推
求焉而渺乎莫測之形恍在聖心寧謚之中矣然而寧謚則何似
乎今夫淵靜深而有本者悠悠焉不知其底極也浩浩焉不知其
涯際也而至聖與之同符而一德則淵泉如淵由是本天淵之所
積時而為見而民之敬吾見者莫不然也當深宮穆處之初久矣
仰至聖之光華於復且今而作觀之休端於宸極矣民有不欽承
無怠者乎夫端拱之日何嘗期天下之衆戴若神明而一觀夫建
中表正之模則垂裳者所以有畏神之百姓也大哉王度而萬年

金玉之思未有或歎者矣本天淵之所積時而為言而民之信吾
言者莫不然也當誥誓未作之際久矣等至聖之黼黻於文章今
而文命之施訖於海甸矣民有不作乎罔越者乎夫敷播之時亦
期與天下之人通其志氣而一觀夫風行誕告之旨則同文者所
以有是訓之羣黎也一哉王言而百代綸綍之歌未有或息者矣
本天淵之所積時而為行而民之說吾行者莫不然也當猷為未
布之先久矣服至聖之經綸於欽寂今而政治之敷光於朝廟矣
民有不中心是慕者乎夫舉動之餘亦寧與天下之大驗其率俾
而一觀夫惇庸典禮之懿則立極者所以有徧德之休風也至哉

王行而奕世綱紀之端未有或渝者矣則甚矣至聖之天淵為無
盡矣而聲名於是乎盛矣

溥博如天
昔黃江自岷

今夫蕤麥

即一物以驗降才之意而無殊者可累徵而得矣甚矣蕤麥亦一

物耳而天之生之固不以地與時之同者而或殊其熟也不知天

曷觀物乎今夫天之生萬民無異其生萬物則天之生一物亦無

異其生萬民故即一至微之物以觀其保合之功而其間得土之

宜得氣之正非有分也則亦不能過也而與與之歌夫亦良堪共

詠矣試與天下言蕤麥可乎今夫蕤麥鍾坤輿之靈秀而乘天之

氣以生是饜飫之所資也是飽德之所由也故熟則歲以之富而
子弟之多賴在乎此不熟則歲以之凶而子弟之多暴亦在乎此

今夫蕤麥

熟矣

江自岷

第三十
五名

此麩麥之在天下所由見重於百穀之內而為人世之不可少者豈非其信然也哉而不知天之生之固無不欲其熟而又無不使之皆熟也要視乎播種之地與樹之之時矣今取麩麥之種於此播而耨之耨耨焉耘耔焉審乎高下之宜土欲其細而復欲其膏雖百麩麥而地之載此麩麥者則固一也其地同且也感秋之令而未時不敢先既時不敢後雖百麩麥而我之所以植此麩麥者亦固一也樹之時又同於是承地之道以息於時中乘時之數以育於地上未幾而甲拆者自質而華矣問猶有鬱而未達者乎曰無有也未幾而潔齊者自華而秀矣問猶有結而不宜者乎曰無有也淳然而生是固天之不得不生夫麩麥而麩麥亦不知其何以生也至於日至之時天氣已極而太和於以固其根地德已成而含弘於以貞其性其熟也夫寧有殊焉者歟吾見農人色喜龐畝可以報收穫之成大有書祥世道由以致昇平之頌皆生之則皆熟矣當此者但以為耕植之勞庶以云報而不知大造之滋息一而無偏但以為胼胝之勤致茲茂實而不知大化之運行流而不已天之生麩麥如此曾是熟有不同而使失其功於人事者並委其責於天也夫豈降才之意耶

今夫楚麥

江自岷

子曰興於

一章

易一房昆明縣知縣羅國珍閱薦

不

蘇第三十卷六名

學有所自得者可歷指其序焉甚矣詩禮樂之益人也興立成必得之於此而可勿學哉子若曰夫人身心性命之益斷非無因而獲也然未嘗學之不知其有益即既嘗學之亦未深知其有益惟優游漸積於其中而從有得之後還念其所得之由乃知學之成我不小矣學之所得維何始而興繼而立由是以幾於成則備矣雖然未有無所自者先王慮夫學之之日未即收其得之之效故教天下於詩禮樂之中而善學者亦第學詩焉學禮焉學樂焉以相循於勿輟斯已矣抑慮夫學之之日即預期其得之之效故教

天下於詩禮樂之中而善學者亦第學詩而深焉學禮而深焉學樂而深焉以相循於勿窮斯已矣乃一旦而勃然莫禦矣興矣從善若不及去惡若不及非有以感發其心而然也何以不學者不興也君子曰此詩之為教也好惡之正溫柔敦厚以發之彼其平日之肄雅而歌風者蓋久而乃得勃然之一日也興於詩也興豈無自哉未幾而卓然不拔矣立矣其存善也有力其去惡也有力非有以持守其心而然也何以不學者不立也君子曰此禮之為教也節文之數恭儉莊敬以將之彼其平日之服習而範圍者蓋久而乃得卓然之一日也立於禮也立豈無自哉俄時而粹然至

善矣成矣無事存善而仁臻於熟無事去惡而義極於精非有以和順其心而然也何以不學者不成也君子曰此樂之為教也純備之德清明廣大以化之彼其平日之從容而操縵者蓋久而乃得粹然之一日也成於樂也成豈無自哉然則詩也禮也樂也自其後而觀之而始知奮發者興之候也堅守者立之候也和平者成之候也抑興也立也成也從其後而邇之而始知奮發者得之於詩也堅守者得之於禮也和平者得之於樂也學者於此終身焉可矣

子曰興於
和 蘇

溥博如天不說計之貴又非此然而祁蘇第三十六名

德極其盛故時出之而皆當也夫如天如淵德極盛矣而敬信說
莫不應之其時出者何如乎今夫人中之所積不盛雖日為表著
亦究不見重於天下而天下且得而議之若乃極俯仰之高深至
聖已無不及量之處而至出其所表著天下又自樂輸誠而効順
焉則至聖之溥博淵泉而時出者可得而極擬之矣夫溥博何如
哉嘗試仰而觀之夫莫窮其量莫盡其藏天固如是其溥博矣而
凡在天之下者孰能並其高乎乃至聖以五者之德而積之極其
周偏而溥也廣濶而博也非與天做其溥博實溥博之如天焉耳

丙子科

而當時之民誰識其為如天乎而淵泉何如哉夫莫窺其蘊莫罄
其源淵固如是其淵泉矣而凡與淵異其體者孰能與淵同其深
乎乃至聖以五者之德而積之極其淵而靜深也泉而有本也非
與淵較其淵泉實淵泉之如淵焉耳而當時之民誰識其為如淵
乎則見其敬至聖而已矣而民初不解其何以敬也蓋至聖以濟
博淵泉者時出而見焉適合乎民心之所欲以故民之敬之者固
非此然而彼不然也見而民莫不敬也則見其信至聖而已矣而
初不解其何以信也蓋至聖以溥博淵泉者時出而為言焉適協
乎民心之所同以故民之信之者又非此然而彼不然也言而民
莫不信也則見其說至聖而已矣而民初不解其何以說也蓋至
聖以溥博淵泉者時出而為行焉適洽乎民隱之所存以故民之
說之者亦非此然而彼不然也行而民莫不說也向非德之如天
如淵而民何以敬信說之如是哉至聖之聲名又可言矣

溥博如天

祁蘇

此無所先彼無所後匪獨其地同而樹之時又同矣自是而氣機
 之流衍物得之而長養生成則不但生之而且淳然而生矣夫由
 生而成由華而實者物之情也未幾而家慶倉箱人欣樂歲曰孰
 矣皆熟則皆同矣至於日至之時而向之同其地同其樹同其生
 者至此而皆同其熟矣世有為麩麥幸者而不必幸也麩麥之得
 天固如斯也即有為麩麥慮者而不必慮也麩麥之降才本如是
 也天之生物原以大共者聽物之自取故其至一之機在物亦有
 不強而同之理安得以陷溺之故而遂議其誕昇之有殊哉物之
 自成又以大同者得之覆載故其至之之理在物亦有不言而同
 之致豈得謂降才之有殊者而遂遺其保合之功修哉人之陷溺
 其心者即麩麥而有悟焉可矣

今夫麩麥

和蘇

學南經詩學卷

其山林中獲麥而食對曰是
之是豈非所謂利也亦極其
而適盡其利今之世豈非
入之所謂

今夫錢寶

味藉

子曰興於詩一章

詩一房湘潭縣教諭張世勳閩薦曾其所第七名

聖人勉人志古而為之歷言其益焉夫學之始終興立成盡之矣
而其益得之詩禮樂焉經學之有益也如是夫夫子若曰昔先王
萃天下才智之士而一於學豈徒以煩苦天下為哉蓋將使之神
明由此奮學術由此貞而且優焉將焉克底於純全之域也學者
不察徒視為口耳之資而不實驗諸身心之際無惑乎純詣之不
經見而古學之以湮也吾嘗閱修途之靡竟憤樂相深念稽古之
有益厭倦悉化九夫始之終之而為我生平所得力者誠非無因
之獲也得為學者告之人必好惡之誠動於中而後為善去惡之

雲南鄉試墨卷

丙子科

一

力形於外學之有賴於興也尚矣然天下豈有無端之感觸者事
不經體驗之後雖有動於中亦過而輒忘耳若夫偶然之感愧勵
以生無意之遭欣戚無已於何得之得於詩也蓋其忠厚惻怛之
意最足以發人好惡之真而誦讀其中者覽正變之殊途觀美刺
之異致自不禁皇然其欲動矣以吾心固有之理遇諸詩而鼓舞
自生是亦情之不能自己者歟然必為善去惡之必力而好惡之
念始不虛學之有賴於立也尚矣然天下豈有無借而特立者力
不得諸實踐之後雖克自振拔未幾而思遷耳若夫嚴毅之志外
物不搖堅確之操他岐不二於何得之得於禮也蓋其齊莊中正

之教最足以去人委靡之私而佩服其際者覽經曲之繁著凜儀
節之森嚴自不禁毅然其自振也以吾心奮勵之氣遇諸禮而持
守彌貞是亦性之克有其堅定者歟然必泯乎善之迹而吾學乃
可幾於化學之有賴於成也尚矣然天下豈有無所資而有成者
功不經諸陶冶之餘雖萬理悉備亦滯而未融耳若夫知行之極
萬累悉捐漸摩之深偏私盡泯於何得之得於樂也蓋其敦容節
奏之微最足以感人於性情也表而涵濡其中者聆宮商之迭奏
聽高下之克諧自不覺油然其中適也以吾心中和之德驗之樂
而履蹈愈純是殆學之克底於成者歟雖然學亦頌其人何如耳

無際而怙冒靡遺者莫天若也茲欲形至聖之溥博而無以形之也則以為溥博如天而已矣其淵泉也寧猶是淺陋為觀者乎既浩淼之無盡亦蘊蓄之無方浩浩乎固已萃天下難竭之物而藏之靜密內矣吾嘗俯察乎地而見其莫測其涯莫窺其源者莫淵若也茲欲擬至聖之淵泉而無以擬之也則以為淵泉如淵而已矣夫德之克積極其盛如此由是而出其仁義禮智之德君臨天下與天下驗其容驗其執徵其敬與別而此日之民何如乎彼其出而為見也其為班朝泣政之際歟其為恭己垂裳之容歟要其本盛德為發皇初非有震懾斯民之心而一時瞻仰其下者莫不

凜然於天子之嚴威而惕其志氣夫是以樂觀聖人之有道亦共仰一人之威儀矣而孰有不敬也及出而為言也其為謨猷之布歟其為誥誡之頒歟要其本盛德為播告初非有要結斯民之心而一時之感嘆無已者莫不共諒王人之心志而稱道弗衰夫是以衆志之僎應而信從恐後矣而孰有不信也及夫出而為行也其為遂民之生歟其為浚民之性歟要其本盛德為措施初非有騷虞斯民之務而一時沐浴膏澤者莫不欣然於天子之仁恩而獻其媚茲夫是以鼓舞而樂從惟忻而拜澤也而孰有不說也夫其出之而各當其可如此非如天如淵之德能若是乎

溥博如天
曾昕

今夫麩麥一曰熟矣

曾昕第三十七名

明降才之無殊而取譬於麩麥之熟焉夫麩麥之無殊性猶夫人也觀其樹之地與時俱同則其皆熟也又何疑乎孟子謂夫甚哉天之降才無殊也蓋造化以其全者生人即以其偏者生物得其全者誕昇初無豐歉之異得其偏者即草木亦同具長養之仁而乃欲以陷溺之餘諉諸造化之故是何其昧於已而并昧於物也則試與之觀夫麩麥今夫麩麥固種之美者也猶夫才固人心之美者也讀思文之詩而率育本之帝命是麩麥固自天降之者也况乎來牟之貽即繼陳常而教稼之績與司徒同功麩麥殆亦五

穀之美種乎然其所以為美者非獨見其美之為美舉凡同為莖
麥之倫者無不同其美之為美也而其美於何見之吾於播種見
之不觀其播種而耰之乎莖麥雖美種端必賴之人工猶美才必
資人力也莖麥固無殊也然莖麥之生資乎地使播種而耰者或
同其地或異其地則莖麥殊矣然非天之降莖麥者殊也今試觀
同成之內於彼乎於此乎無徃非播種而耰之人亦無徃非播種
而耰之地矣其地同獨是莖麥之生也資夫地而亦因乎時使履
畝而耕者或先時或後時則莖麥殊矣然亦非天之降莖麥者殊
也今試觀郊原之間此疆乎彼界乎在在皆樹藝莖麥之地即在

在同此樹藝莖麥之時也樹之時又同夫地同時同則其淳然而
生也莖麥之性也無殊也由是生而發秀與歌耶生而堅好致咏
耶此固莖麥所宜然而亦樹之者所日望其然也及夫一望皆穎
粟之觀四野盡黃茂之色曰此日至之時莖麥熟之候也吾於此
可以觀莖麥矣使其或有熟有不熟也莖麥殊矣即不然而熟者
十之九不熟者十之一則莖麥亦殊矣乃何遍觀同成之內莫不
腰鎌以往曰熟矣遥瞻郊原之際莫不捆載交橫曰皆熟矣信乎
天之降莖麥不殊也信乎天之降才不殊也

以漸而得者即上哲不能無所資也核其實而計之而何故而能發其情何故而能貞其守何故而能和其性此所非無因之獲矣則夫興也立也成也不可以盡學問之大凡哉今夫學者始亦不知善之何以可好不善之何以可惡也乃一旦見一善焉輒不禁其好之深矣見一不善焉輒其不禁惡之切矣僉曰若是其能興也然何以若是其能興也試思至性所觸吾心亦時有莫遏之機然往往道義之所不能動者一流連於美刺貞淫之內而性情以觀感而倍真然後嘆其興也必於詩已今夫學者始亦僅知善之可好不善之可惡也乃未幾好一善焉而為之必力矣惡一不善

焉而去之必勇矣僉曰若是其能立也然何以若是其能立也試思意氣所激吾身亦時有持立之候然往往節烈之所不能振者一服習於莊儉恭敬之中而才力以謹恪而愈固然後嘆其立也必於禮已今夫學者始或為一善焉慮其好之失正也去一不善焉慮其惡之過激也乃久之且無欲而好矣久之且無畏而惡矣僉曰若是其有成也然何以若是其有成也試思優游不倦君子亦自有純粹之養然往往思勉之所不克化者一涵咏乎唱和清濁之微而道德以和平而愈精然後知其成也必于樂已當夫用功之始詩禮樂原無先後之可言然積之未久則居恒之所致力

是何如之善舉乎吾嘗仰觀有得以為天下之至溥博者莫如天
至聖亦如是焉則已矣且由至聖之淵泉思之而知其淵泉也非
凡為淵泉者之可擬也高不測之形者謂事物之變莫能竟其蓄
積乃心力不至之處慮輒窮焉其淵泉也有匱之者矣至聖之淵
泉蓋有莫知其端莫竟其委者是何如之靜深乎吾嘗臨流興思
以為天下之淵泉者莫如淵至聖亦如是焉則已矣如天也如淵
也是當無形之可親無聲之可接無事之可見而至聖已絕人於
擬議之外則當有形之可親有聲之可接有事之可見意天下亦
必相忘於敬慕之迹乃及其時出而為見也時出而為言與行也

而民已莫不敬信說焉抑又何也人主一舉動而每無以服民之
心者必見與言行之多先乎時也先乎時則或過乎仁義或過乎
禮智下民莫為之服矣至聖之由中而外者無先時之舉也故亦
無過量之形民之仰令範而佩物恒者不曰仁義之可欽則曰禮
智之可慕有不服聖天子之中正者哉大君一動作而輒有以
生民之議者必見與言行之多後乎時也後乎時則或不及乎仁
義不及乎禮智下民得而議之矣至聖之由積而發者無後時之
端也故亦無不及量之端民之頌圭璧而遵道路者既以仁禮之
可仰更以義智之可式其猶有議聖天子之偏黨者哉信乎至聖

之溥博淵泉者不易窺而時出之盛更不可量也

溥博如天
董氏記

[Faint bleed-through text from the reverse side of the page]

即物之同以驗天可知降才之無殊矣蓋麩麥為天之所生乃其

董氏記
第八名

皆同者且必生而至於熟也謂天之降才有殊焉否意謂萬物同
受命於天其殊者本無所為殊也而其同者必有所以同人惟以
其殊者諉之於天而不察其所由同焉之故於是天之本無所殊
者幾無以大白也是未嘗俯察品類而得其理矣吾何以驗天之
降才無殊哉天之授物以理也無異其授物以氣使氣即有憾吾
終謂其理之無所憾也况乎受氣者之本無所憾於天也物之賦
性於天也每切於賦形於天使形即有缺吾終謂其性之無所缺

也况乎賦形者初無所缺於物也不見夫麩麥乎麩麥生於天者
 也生於天則其生而至於熟焉亦麩麥之常也雖然麩麥之生也
 有播之覆之者矣有其地且有其時矣假令播與覆無殊也地與
 時無殊也而麩麥之或生或不生尚未可知則以此而咎天之有
 殊也固宜假令播與覆無殊也地與時無殊也而麩麥之有熟有
 不熟尚未可強則以此而咎天之有殊也亦宜乃若播種而覆之
 矣其地同樹之時又同矣而其時之麩麥何如哉凡物不能有生
 而無息而天則常欲其有生而無息今觀麩麥有以善其始也復
 有以成其終夫亦可知天之生物固如是其無所私耳凡物不能
 有成而無敗而天則盡欲其有成而無敗今觀麩麥秀者可嘉也
 實者復可慶夫亦可知天之成物固如是其無所偏耳勃然而生
 也至於日至之時皆熟也謂是播與覆之力歟抑地與時之功歟
 非也天之生物本無不同也

今夫麩麥 董 玘

聖子曰興於詩於書

詩三房思南府教授吳以仁閱薦

周記

第三十九名

心學之益生乎經者也夫興也立也成也皆心學也乃於詩禮樂為得之經之益人不甚大哉今夫入一生為學其得力之處往往不能自知及其久而歷有得焉益相與忘之矣然惟其久而相與忘焉而後可漸悟其由也曰吾之所以幾此非偶然也則其所得力又惟學者堪有喻矣今夫吾學之始何以油油乎能生其感也是則所謂興也由是而進焉而更進焉何以卓乎其有所安而渾乎其幾於化也是則所謂立也成也顧吾思之學何以能興也夫懷有篤誰其發之性情日生誰其故之益幾幾乎其不興也一自

游泳乎詩而吾意所欲至之處即皆為古人所已至之處此亦實
獲我心之故也感何如也是故有不興也興則必於詩學何以能
立也耳目引之守弗固矣攻取蔽之志罔堅矣蓋幾幾乎其不立
也一自納躬於禮而周旋曲折之威範即儼思安定之皆宜此亦
敦篤踐履之深也安何如也是故有不立也立則必於禮學又何
以能成也一私未化理將日離一累未蠲德非在我蓋幾幾乎其
難成也一自適志於樂而雍容大雅之休形為琴瑟鐘鼓之盛此
亦泐我心思之候也化何如也是故有不成也成則必於樂夫古
之聖人豈必指何者而命之曰此其為詩也禮也樂也亦不過自

見其為興為立為成之致焉而已而何以益我修來者即在此稽
古之內也夫古人之書變化化生焉引而伸之而微渺之所至即已
且不自覺使徒執乎古人之迹也何所深以為見性之地哉抑學
者之初亦嘗取往籍而學之曰吾於此學詩於此學禮而學樂矣
而初不見其為興為立為成之效也而何以徐而成功者即在此
窮經之年也夫聖人所傳神奇寓焉微而察之即一器物之名今
人莫及其智而謂古人之書無足以恃也又何所藉以為治心之
功哉學者之自得是如此而求學於自得者其知之乎

子曰興於

周

也

此語精義多自於前說出子欲其深明其義也字
入莫及也器以備古人之書無足以其也又而後讀之其
讓顯之平也夫聖人之德博而兼之其德之廣也
不勝其具其德與德也無如也其德之博也其德之
深也其德之廣也其德之深也其德之廣也其德之
且不自覺身致勝乎古人之德也其德之博也其德之
子之內也夫古人之書變少也其德之博也其德之
其其德與德也其德之深也其德之廣也其德之深也

溥博如天

不說

周禮

第三十九名

至德擬於天淵微於民而皆當已甚矣如天如淵至聖之德亦將
與民見也敬也信也說也時出之所以盛也寧可及哉今夫德之
深者吾因而測之以為如是足以盡聖心也不尚存淺之之見乎
顧測之而卒有其不可測則極其量而之焉因使遊其宇者羣圍
乎其中而不覺然後服聖人之德為甚深而無往不合也如至聖
之溥博淵泉而時出之者是已而其溥博為何如也天下望至聖
之出而至聖不遽有所昭示也其一民未御之先至聖固自有其
天焉者乎藏之甚深無所遺焉蓄之甚富罔無暨焉向謂是天之

溥博然也何意萬物飲和其蓄德於天與蓄德於至聖者有同符歟而其淵泉為何如也天下望至聖之出而至聖不遽有所表見也其一民未接之初又自有其淵焉者乎可以秘天下之有而莫測其端可以極天下之多而出之不匱向以為淵泉之淵然也何意流而有本其理之在淵者與其理之在至聖無殊致歟如天如淵此時之至聖容有所以為容執有所以為執敬與別有所以為敬也別也當時之民其有外於至聖之覆庇者蓋亦寡也此時之至聖未嘗有所見也未嘗有所言也未嘗有所行也當時之民又何有感於至聖之淵衷者而以為應也然而異矣吾觀其民敬至

聖也信至聖也說至聖也並不知至聖之何以見何以言何以行也推論至德而幾忘鼓舞之神豈其在耳目迹象之間者乎抑尤異矣吾觀至聖見焉而已而民胥敬也言焉而已而民胥信也行焉而已而民胥說也並莫知其所以敬所以信所以說也知識俱泯而自遊聖神之宇豈其有智取術御之機者乎夫天下藏之不久則其出也亦易竭向使至聖而未能溥博淵泉極乎其量吾見其民乃有敬有不敬而安在其莫不敬有信有不信而安在其莫不信且有說有不說而安在其莫不說也此至聖之所時出也而未已也

將必有厚望焉天下之事美者在前則絀者慕焉曰彼美矣寧甘
遜焉故必懸一程以待之極其量而後止然則麩麥者大抵以熟
為期耳而或者石田未闢猶草宅歟是熟猶未可期載芟載柞後
先異歟是熟猶未可期抑或則實發實秀生有異歟是熟又未可
期而茲不然也其地同也無石田也樹之時又同也豈後先也且
淳然而生也歌發秀也為憶曩日之播此種也將以期其成熟也
而果其成熟乎抑猶未也其將問諸日至之時然則物之稟於天
也天必賦以可熟之性矣自種植以迄生全其漸幾乎此者不啻
如一日焉於此於彼未嘗有人焉從而等之也而若或有以等之

則豈必讀神農之書而後知物性之無異抑天之生是物也物又
無不可熟之才矣由條達以及暢遂其同歸乎此者不啻如一體
焉於此於彼未嘗有物焉從而迫之也而若或有以迫之則何必
占大有之年而後見物情之咸若今夫麩麥則亦有然者而彼且
嗤然曰是歲之為也夫是歲之為也夫無惑乎致疑於降才之天
也

今夫麩麥 周 此

人莫不有奮興之懷而無以感之則其情不生有過而輒忘耳及
置之乎溫柔敦厚之教而以歌以咏自不覺其情之何以生也草
木禽魚深之而得性命之原游女征夫悟之而識忠貞之理蓋美
善惡惡之真隨感而動矣然後知能興者之必於詩也人莫不有
特立之念而無以持之則其守不力有見異而遷耳及進之乎恭
儉莊敬之地而有翼有嚴自不覺其體之何以植也手足有其持
循而外物之不搖心思有其範圍而內念之克端蓋為善去惡之
搃歷以不渝矣然後知能立者之必於禮也人莫不有從容之樂
而無以養之則德器弗深有得半而止耳及遊之乎廣博易良之
途而以陶以泳自不覺其私之何以化也習乎其器而鼓舞之不
勞深乎其理而精微之自貺蓋有善無惡之衷合同而化矣然後
知能成者之必於樂也是以世之盛也哲后顯庸創制以廣勵人
材而輜軒之使遍於國飲射之法行於鄉工瞽之官列於庭至於
今而其教未衰也則何不思自澤於先王之教哉抑道之隆也儒
者好學深思以求端其學術故入其室而有歌咏之聲陳其器而
有俎豆之設觀其御而有琴瑟之懸反之心而其道匪遙也則何
慮乎從入之無途哉故吾甚望乎學者之由興而立而成也

子曰興於

蕭大成

薄博如天而不說

蕭大成 第四十

進擬聖德之所積以時出之而皆應矣蓋如天如淵民之所不得而窺也而敬信說者莫不然非時出之而皆應哉今以天下之衆而群秦一人以臨之此固視乎其德也然德之蘊于一人者為形容之所莫窮而德之被乎天下者遂為愛戴之所自起幾令人反覆於其德而不識其存之何以獨深而發之何以無不當也其將何以擬其薄博哉今夫至聖之薄博盡天下之民日覆幬於其下而莫知其何如也吾嘗仰而得之於天謂天蓋高無物之不覆者而窺無物之或遺意古今之薄博者至天而止矣而不謂至聖之

溥博如之蓋無物之或遺者域中之丕冒如斯而無理之不脩者
性中之丕冒亦如斯也其將何以擬其淵泉哉今夫至聖之淵泉
盡天下之民日涵育於其中而莫知其何如也吾嘗俯而得之於
淵惟淵至深無物之或擾者亦遂無物之可量意古今之淵泉者
至淵而止矣而不謂至聖之淵泉如之蓋無一物之可量者靜深
之昭於有象而無一理之可名者靜深之渾於無迹也斯時也體
立用行聖人有不能與天下相忘於沕穆之勢而積厚而流天下
且得即聖人而仰其功化之神不覩其見乎而非猶夫人之見也
任世主之矜持而威恩不測或即為戲渝之所由生民之敬也有
或然或不然者矣乃何以一遊乎至聖之宇而翼翼然不自知其
志之何以輯也則莫不敬者有然不覩其言乎而非猶夫人之言
也任朝廷之敷宣而昭告徒繁或反為疑貳之所由起民之信也
有欲致而莫致者矣乃何以一服乎至聖之教而肫肫乎不自知
其心之何以傾也則莫不信者有然不見其行乎而非猶夫人之
行也極一時之張弛而雄才大略未必輿情之盡協民之說也有
彼異而此殊者矣乃何以一被乎至聖之化而欣欣然不自知其
議之何以無從也蓋莫不說者有然而孰非溥博淵泉之所時出
者哉吾將觀其聲名之所洋溢矣

雲南雜記墨卷

薄博如天非蕭大成

蕭大成

蕭大成

蕭大成

蕭大成

蕭大成

蕭大成

蕭大成

今夫麩麥

熟矣

蕭大成 第四十名

物有皆得其同者可無疑於在天矣夫麩麥亦天之所降也而稷之樹之熟之皆同則誠何疑於在天哉且從來生物者天也而凡為天所生者亦遂得各出其才以自見於天之下此不必於其大也即一樹藝之微物而苟盡乎其力究無拂乎其天則揆之始而無殊揆之終而無殊亦深幸乎天之降之者之誠無殊也即如一麩麥今夫麩麥固正與多賴之子弟多暴之子弟同一望歲之情者也然麩麥時能紀歲之功而歲不盡為功於麩麥蓋自誕降嘉種而後而天已謝其推抑自播厥百谷以來而人已不能惜其力

不見其播種而耰之乎播之則必有其地焉今何幸而疆場之翼
翼者且合彼此而無殊也則其地之同也有然且又從而樹之樹
之則必俟乎其時焉今何幸乘時舉趾者且統先後而一轍也則
其時之同也又然起視薤麥有不淳然而生者乎由苗而秀生以
斬而可觀由秀而實生以進而有成曾日月之幾何而至於日至
之時矣當其未至天雖甚愛乎薤麥而豈能為播而耰之者擇其
地易其時而降康獨副乎婦子之劬及其既至天雖甚靳乎薤麥
而豈忍使播而耰之者猶是地猶是時而倉箱莫慰乎胼胝之勞
以言乎熟殆皆熟矣今而後可為薤麥信曰爾之無殊爾才之無

殊也而薤麥不敢居其功爾才之無殊天之降爾才之無殊也而
天更不任其德故惟此薤麥苟非有其種有其地有其時則必不
生不生而烏乎熟也抑猶是薤麥亦既有其種既有其地既有其
時則無不生無不生則宜無不熟也而何以猶有不同者吾將進
而畢其說

今夫薤麥

蕭大成

子曰興於
一章

書一房貴州定番州
學正施澤遠閱薦王 杞 第四十
一名

學有全功歷指其得力之自焉夫興立成學之全功也而必於詩
禮樂得之經學之有功固如是哉且學問之貴乎求益者亦期有
益於身心耳不知生明倫之後古人早已取我身心而代謀之矣
惟從載籍極博之餘為之悠游涵泳於其際當其始亦幾若忘此
中得力之數迨於其後之得力者而邈其致此之由則恒有歷歷
可指者不容誣也如今之所為學者感激思奮以云興也堅貞不
拔以云立也且純粹無疵以云成也學之大要盡此矣至於古之
所為教者以言溫柔敦厚則有詩焉以言恭儉莊敬則有禮焉且

云廣大精微則有樂焉古之至教統此矣雖然吾竊疑興焉立焉成焉者之必於詩於禮於樂也蓋嘗見世之能興能立能成者矣初不必取詩禮樂而誦述之而神明德性之間未幾而善心油然而生焉未幾而志氣卓然以定焉未幾而馴致於仁義中和之域焉則吾心自有興也吾心自有立也吾心自有成也何必於詩於禮於樂又嘗見世之學詩學禮學樂者矣初何嘗不取詩禮樂而誦述之乃求之性情始終之故習其比賦無如詩焉循其矩度無如禮焉按其聲容節奏之文無如樂焉則雖日讀詩也日執禮也日考樂也何以不能興不能立不能成如必執一詩以為興是即

不善於詩執一禮以為立即不善於禮執一樂以為成即不善於樂此其學既失之迂况興必在詩是無詩即不能興立必在禮無禮即不能立成必在樂無樂即不能成此其學又失之拘吾竊疑興焉立焉成焉者之必於詩於禮於樂也然而無疑也當其從入之始咏古烈而勤寤寐審範圍而思不過而詩禮樂無不深體焉而靡遺初不知其何以興也何以立也何以成也而詩禮樂若不見有獲效之助及其成功之後懷來有順適之致動履昭性命之安而詩禮樂無不各收其陶冶之益而已不禁其興也不禁其立也不禁其成也而詩禮樂若難忘其得力之自是則古之人因興

而有詩者而今之興亦何必不在詩也古之人以立而有禮者而今之立亦何必不在禮也古之人以成而有樂者而今之成亦何必不在樂也吾故於體驗之餘而得其親切之致於成效之後而指其由來之寔因為之正告天下曰興於詩立於禮成於樂

子曰興於
王 杞

溥博如天

不說

王 杞 第四十
一名

極擬至聖之德而備徵其時出之量焉夫如天如淵至聖之積中者固極其至矣而徵之見與言行而民莫不敬信說焉非至聖之德而能如是乎且夫至聖之足以有臨於天下者固有其本之於中而發之於外者也苟徒見其發之於外者足以感動乎天下而不知中藏之內裕者寔有擬議之難盡者焉豈所云聖德之高深固有積厚而流者乎吾何以言至聖之溥博淵泉而時出哉具生知之質無在不徵其體量之隆夫體量隆則包容廣極古今之仁智兼盡者必不能稍越於範圍何則以量之廣者無有可以比似

之者也惟仰大造而若遇焉已矣本中藏之德無往不見其靜涵之深夫靜涵深則蓄積厚極當前之有迹可形者亦不能稍窺其萬一何則以靜涵之深者無有可以形容之者也惟望汪洋而若會焉已矣是則至聖之溥博也淵泉也不猶如天之高而無不徧淵之深而無所不納乎雖然此但徵其存也未徵其所發此第見其積中之盛也而未見其發外之施以觀至聖之時出何如哉時而見也温和外著藹然有道之可親焉端拱以臨肅然儀容之可慕焉民之覩令範者誰則無情誰則有情而敢忽焉視之乎吾知為至聖之民者莫不望而感感而慕曰吾儕小民幸得覆冒於容

與並包之下庶幾於臨御之時有以沐其無盡之深仁也問猶有不望德容而生恭者誰也時而言也發一大議而天下仰宸衷之無偽謀一大事而天下知聖德之清明民之相觀於下者誰則無心誰則有心而敢偽焉欺之乎吾知為至聖之民者莫不佩其訓服其言曰吾民之衆幸得感佩於真誠不二之主庶幾於統御之際有以樂其謨猷之公忠也問猶有不仰德言而佩服者誰也時乎行也措之綱紀不事督責之頒布之章程不尚刑威之施民之感慕於行者誰則忘情誰則有情而敢不傾心承之乎吾知為至聖之民者莫不慕其行而感於心曰吾民之衆幸得陶淑於仁漸

義摩之中庶幾於教化之餘有以沐其仁恩之普被也問有不仰
德行而感慕者誰也是則其見也言與行也而民莫不敬焉信且
說焉非如天如淵之所積者厚而深焉其何以致此哉總之本之
厚者其發必遠至聖所以有恭己之化藏之深者其流莫禦古今
所以共仰有臨之德聲名不由此而起哉

溥博如天

王杞

今夫麴麥

熟矣

王

杞

第四十
一名

大賢欲明人心之無殊而通於物之得其同者焉蓋物之同其熟
者以其地同樹之時又同故也物且有然人心不從可知乎孟子
謂夫天之生人與天之生物無以殊也天生一二人與生千萬人
無以異亦猶天生千萬物與生一二物無以殊知此可以不言心
而言物矣物之生也原有其候苟於種植之候不先時而亦不後
時者莫不共期其有成何則以其地之同也且以物之成也主乎
其時苟於耕作之時同其地者亦同其生莫不共望其所慶之同
何則以其時之又同也即如麴麥播種而耨之時乎今夫農人竭

胼胝之勞以為樹藝豈不私心自計曰庶其報我以富歲乎然而未至其時也至於胼胝之將終而西成之在邇候既已至矣是雖樹藝之日即可期為同登大有之日矣今夫田家勤稼穡之苦以為種植豈不私心自計曰今其得免於凶歲乎然而未至其時也至於婦子將有盈寧之慶而田將有告成之樂時既以至矣是即種植之日無不可期其為同享樂利之日矣然則人心之陷溺其害為最甚耳考賦畀之始此心原統智愚而無異自智識一開以來此心遂有善惡之分因其有善惡之分謂物之皆熟者非即物性之同也物豈任受也哉且謂天之降才為有殊者為最不可言耳邇錫予之初降才原無厚薄之異自有陷溺其心者此心遂有不同之名因其有不同之名遂謂物之皆熟者非物所同然之性也受過者又豈在物哉是則物性之同者以地之同樹之時又同而同之也雖有不同是豈物之性哉

今夫蕤麥

王杞

子曰興於
一章

書一房定番州學
正施澤遠閱薦
袁品超 第四十
二名

學之得力有由聖人脩指以示人焉夫自興而立而成學已幾於全矣而必於詩禮樂得之夫子為之脩指也曰夫學之益人亦安有窮哉吾見今之學者矣往往積學數年而始無所感中無所持終鮮所就者何為耶是未嘗好學深思心獲其益故也若乃學至有獲之後而溯厥由來夫固有漸次相深者於以知學古之有益也今夫中有所觸而油然感發淳然奮起者何也非興也耶中有所主而凝然不拔確然有守者何也非立也耶且也中有所得而性情和平學業純粹者何也非成也耶然此興也立也成也非無

由而自興自立自成也亦果何由而興而立而成也向非有所觀
感何以興也若是向非有所主持何以立也若是向使無所陶淑
何以成也若是是知興也必於詩思孝者不必盡讀蓼莪之什思
忠者不必盡咏湛露之章而因端起悟之餘自不覺油然而淳然之
情何以日生也由興得詩歟由詩得興歟興於詩也有然由是而
立焉必於禮卓然者非必盡拘三千之制不倚者豈必盡執三百
之儀而周旋中節之際自不覺凝然確然之操何以日貞也由立
得禮歟由禮得立歟立於禮也有然由是而成焉必於樂吾性有
自然之音律感以音律而性益和吾情有自然之節奏通以節奏

而情益平聆音察理之下自不覺中和純粹之德何以日精也因
成得樂歟因樂得成歟成於樂也有然要之學之得力有由自興
立成之後思之而知詩禮樂之為功也大學之漸進有序由詩禮
樂之教繹之而知興立成之獲益也深是有望於善學者

子曰興於
袁品超

溥博如天

不說

袁品超

第四十
二名

以天淵擬聖德可徵時出於民焉蓋德之極其盛者非天淵不足以擬之也而時出之各當不又可徵諸敬信說之民哉且吾言至聖之德亦既極其盛矣然使蘊於內者猶予人擬議而可窮形於外者未動人欽恍而說服蓄極而通之謂何而盛德不猶有歎耶是非所論於溥博淵泉而時出之至聖也夫至聖之溥博何如哉從來溥博者莫天若也蒼蒼而靡有極也蕩蕩而固有外也而聖德如之是至聖一天也夫不能限聖以不足聖亦不讓天以有餘是何充積之盛乃爾歟使非擬以如天幾無以形其充積之盛矣

而淵泉又何如哉從來淵泉者莫淵若也浩乎不知其津涯也茫
乎不知其畔岸也而聖德如淵是至聖下淵也淵深於莫測聖泯
於無形是何克積之盛若此歟惟其擬必如淵庶有以形其克積
之盛矣而發見之際不可思乎時出而為見也溫恭之德容有
嚴而有翼矣中和之道範可欽而可仰矣有弗見見而民之敬也
莫不然時出而為言也布一令而邇者領遠者傳焉出一詞而賢
者欽愚者服焉有弗言言而民之信也莫不然時出而為行也舉
動悉合人心可思而可慕矣制作堪垂百世可法而可守矣有弗
行行而民之說也莫不然夫發見之各當也如此非如天如淵之

盛德又何克至此

溥博如天

袁品超

今夫麩麥

熟矣

袁品超

第四十
二名

即物而驗其同益見降才之非殊矣甚矣麩麥一物耳而始終之相同如是是亦降才無殊之一証也且維天之命於穆不已而人生物有異形而無異理也故不特人與人無異即物亦與物無異焉不特物與物無異即物之自始至終者亦無或異焉觀於物而人可知矣今試以麩麥論夫麩麥居五穀之一亦人所資以養生者也然足以養人之生而不能自為生也種必資於播焉播之必於地也而樹之必以時焉夫地有燥濕高下之不侔時有先後早晚之各異而欲強而同之也難今不必強也而自無不同矣夫

地同也時同也種之既同而樹之又同也而生豈有不同乎其生也皆淳然而無殊也生既無殊而謂熟有殊乎其熟也日至之時皆然也試問有熟有不熟乎無有也同焉發育同焉暢茂至其時而一熟皆熟也夫固有不期而合者矣得母此熟而彼不熟乎無有也此曰熟矣彼亦曰熟矣至其時而熟無先後也夫固有不强而然者矣其熟之同也亦如其生之同也蓋以其種同而播亦同樹同而地又同也夫同種同樹同地同時而生亦同焉熟無異焉是何始同而終亦無不同焉若是乎物亦且然而况於人乎又何疑降才之殊歟

熟矣



